



1198.

Jeune des Indes, Saint-Thomas
et Campanella, par le Dubois
naire de Clément.

Libre, par le Sieur de la Roche
Bibliothèque de Clément. p. 276
Hgl: Clément (T. VI. p. 152)

1198

P. 866. Liber Vetus.

PRODROMUS
PHILOSOPHIÆ
INSTAURANDÆ,

ID EST,

Dissertationis DE NATURA RERUM Compendium

Secundum vera Principia, ex scriptis

THOMÆ CAMPANELLÆ
PRÆMISSUM.

CVM PRÆFATIONE AD PHILOSOPHOS
GERMANIÆ.



FRANCOFVRTI
Excudebat IOANNES BRINGERVS Sumptibus
GODEFRIDI TAMPACHII.
M. DC. XVII.

PROLOGUE
PHILOSOPHY
INSTANCES

Distinction De Natura Rationis

THOMAS CAMERON
REVISOR
THE UNIVERSITY OF PHOENIX
1911



THE UNIVERSITY OF PHOENIX
LIBRARY
1911



AD PHILOSOPHOS GERMANIÆ

PRÆFATIO.

Anta est Opificis & Magistri hujus quam incolumus Domus nostræ Bonitas, ut quamvis natura sua infinities ab his visibilibus discretus sit, passim tamen in hac mortali etiam rerum serie vestigia adorandi Characteris sui pernosceda præbeat. Sepositis aliis rebus innumerabilibus, sola nunc humana, eaque ex parte consideremus opera. Ex quo Mundus cœpit, omni tempore intercoalitam humanæ gentis societatem æmulatio quædam fuit quasi tacito quodam instinctu *Potentia Magnæ*, quæ quamvis à multis hinc inde variis tentata esset modis, non tamen nisi SUMMA ILLA & PRIMA POTENTIA dirigente certis tantum & paucis contigit, idque statis periodis ad suum finem, de quo aliàs, & ambulanti vicissitudine, admiranda item partium inter sese & cum toto Harmonia, sicut illis qui Monarchiarum & Rerum publicarum ambitus judicio penetrantiori considerant, obscurum esse non potest.

Pari passu cum *Potentia*, *Sapientia* etiam ambulavit. Hæc enim

enim PRIMÆ SAPIENTIÆ quæ opificium hoc condiderat, filia & furculus Mentem humanam Divinæ particulam auræ otiosam torpescere non sivit, quin retrò etsi longissimis tractibus, pulcherrimam hanc rerum Machinam velut Dei statuum contemplando & examinando, vestigia relegeret, & tanquam radius quidam ad Solem suum supercelestem reflecteret. Hinc omnibus etiam temporibus inventi sunt homines Sapientes, qui de tanto opere, sicut intelligerent, suam ferrent sententiam, priorum etiam recensentes & adhibentes judicia: id philosophari dixerunt. Edocentes hoc modo alios & quasi expergeficientes, ut opera tam mirabilia magnificiendo, Opificem & Autorem glorificarent. Verum quanta diversitate & intermittente Veritatis & Falsitatis reciprocatione ob humanæ mentis debilitatem ac caliginem factum id sit, periodi temporum id docent, & Mundi historia.

Ut autem rem de super inspiciamus, post IPSISSIMAM ILLAM PRIMAM & ESSENTIALEM ÆTERNAM SAPIENTIAM, quæ in Mundo etiam visa semel fuit INCARNATA; reliqua participabilis quæ homines ornatur Sapiëntia, duplex reperitur: *Divina & Humana*. Illa per Spiritum Dei in puras hominum mētes de super influens quasi supra mortalem statum eas exaltat; unde visi sunt quandoque Sancti Dei homines divinitus inspirati eo modo rerum cognitione præcellere, ut quæ antea nunquam didicissent, quæque ab humana sciscitatione abesse viderentur, longè diviniore perfectione callerent, ita ut non solum diversis lingvarum idiomatis loquerentur, sed & rerum Originem exquisitè perspi-

perspiccerent, & absentia ac longè distita quæ & futura viderent: unde & miranda ad Naturæ stuporem velut primigenia Opificis ipsius autoritate patrarent, quibus doctibus tanquam in sua arre certis & scientificis fides merito adhibenda est. Apprehendi autem hæc nullo ingenio, solertia nulla potest, sed desuper ex Gratia Largientis precibus impetranda, sicuti Solomoni evenit.

Humana verò Sapiencia est, quæ nos mortales innata sciendi cupiditate incitati hanc pulcherrimam rerum Machinam tanquam vivam Dei statuam intuentes excussis omnibus rerum partibus & partium particulis seiscitamus, causasque inquirimus, quibus animata hæc moles sese moveat, & sustentet, donec ad summa quædam capita transgressi pedem sistere cogimur, unde quasi à tergo votis & animis alia prosequimur, & cum scire amplius non detur, pulcritudine hac illecti cætera & Autorem ipsum admiramur, & amare incipimus, unde Philosophia Sapientiæ Amor est: desideramusque ut hæc imperfectio & ignorantia nostra à superiori Divina Sapiencia, cui omnia patent, illustretur. Quam enim lubrica & exigua sit hæc humana sciencia, is qui seriò periculum facit experiundo, optimè testabitur.

Cum enim concatenatum sit opus, quando ad priora progredi prohibemur, ea etiam quæ sensibus nostris percepta sunt, & ex quibus reliqua conjicimus & ratiocinamur, suspecta nobis esse incipiunt. Unde multi Sapientes humani cum eò pervenissent, ut revera intelligerent, perfe-

et ab homine cognosci nihil posse, suam inscitiam professi quasi metam putarunt se attigisse. Sanior hæc Sceptica suo loco repudianda non est, sicut alibi dicetur. Quæ tamē nec nos exanimabit, ut territa mens nostra officium suum contemplationis rerum deserat, cum ea de causa iussi sim⁹ incolere hanc Domum Mundanam ab Opifice, ut concinnitatem ejus contemplati, infinitam ejus Sapientiam & gloriam æstimemus, unde si debito modo progrediamur, nunquam fiet, quin in hymnos & vota & laudes prorumpamus tantæ Majestatis, quod ipsi Sacrificium longè est gratissimum, Amoreq; ejus inde æstuemus, & ab eo perfectionem quæramus, quæ est Beatitudo.

Verus hic est usus humanæ Sapientiæ, quæ manuducere nos debet & preparare ad altiorem illam, itaq; ab his Sordibus sese elevando ascendere, donec in abyssum illam supercaelestem intingēs seipsam quasi perdat. sed si descēdit, aut in seipsam quasi circulo cōvolvitur perfectionē quam in se non habet, extra se non quærens, vanitas ea potius est & stultitia. Tales pleræq; fuerunt Ethnicorum philosophiæ, de quibus sectæ ipsorum testantur.

Habet autem & Veritas inter homines, ut cæteræ res mortalium, suas periodos & reciprocationes. Unde etsi verisimile est, priscos homines quò propiores initio huj⁹ Opificii abfuerunt, eò etiā puriorem habuisse in multis Veritatem; itemque eos quibus aliquando cum Sapientibus divinitus illuminatis, quales omni tempore fuerunt, congregi liceret, melius fuisse instructos & eruditos, & ad
primi-

primigeniam philosophiam reductos: quod & veterum monumenta quædam residua testantur: tempus tamen & locorum distantia, & ambitio, & contentio, & alii humanæ mentis per se caliginosæ morbi tantam apud varios introduxerunt opinionum diversitatem & secessum, ut qualis Natura esset rerum, non veritate, sed ex imaginatione cujusque traderetur. Oblivione oblitteratum fuit Mundum aliquando cœpisse, quod & ratiunculis postea defensum est. Quin & eò temeritatis disputandò ab aliquibus ventum, ut & Providentiam & ordinem ipsum in tam bello rerum ordine, seu Sapientiam in tam Sapienti artificio negarent, & Mentis immortalitatem, spiritusq; cœlestes, & deniq; Deum ipsum.

Hæc Saburra fuit ignorantia humanæ, & ima aux revolutionis cōtentionum petulantium, quam tamen Divina Benignitas supremi Parentis nūquam ita pervincere sivit, quin miserta suorum filiorum, vindexq; sapientiæ suæ tam manifestæ, aliquos excitavit viros probos, qui confusio- nem illam & irrationalitatem redarguerent.

Cæterum ut ea altius nunc non repetamus, quod alio tempore & loco commodiori fiet, hac nostra ætare, quæ nobis meritò consideranda venit, si scientium & doctorū orbem circumquaq; conspiciamus, statum Philosophiæ in triplici reperimus conditione.

Quidam enim humi solummodò repentes (eaq; major pars) ratiunculis suis perivasi de Opificio hoc Mundano nihil aliud sentiunt, nisi quod ex principiis suis, quæ semel sibi

sibi five vera five falsa pro se & suæ instituto sequenda duxerint, deducere possint, præterea nihil admittentes, quam Ethnicam Philosophiam nominabimus.

Alii verò cum Christianismo & sacris literis imbuti sint, auctoritatemque illarum pro se habent, extra Biblia philosophandum non esse, sed in iis omnem scientiarum ambitum contineri contendunt.

Terti deniq; Auctoritatem Divinam, tanquam Opificis de suo opere attestationem suscipientes, cum de omnibus humanæ menti cognoscibilibus clare expressum in illa non sit, principia præterea in Natura nobis dari assent, quibus cætera examinare ad normam attestationis divine ita possimus, ut ad amissum omnia corresponscant; nec contrarietatem hac in re reperiri, cum veritas sibi ipsi contraria esse non possit, sed mendacio; ideoq; sapientiam humanam & divinam tanquam veritates duas non pugnantes, sed subordinatas esse necessum sit. Ex his primi & secundi insufficienciæ pro nostro instituto haud difficulter convinci possunt, diuerso tamen modo: Illi enim ex proprietate argumentationum humanarum sublimia vera & cœlestia attingere non valentes radiis ratiuncularum suarum ad Solem Idealem non directis facile in errorum involuera implicantur, eoque gravius, quo magis ab auctoritate primigenia recedunt, Sunt enim & in his gradus, ut supra monitum, longè diversi, unde Pythagorici & Platonic, quia cum Aegyptiis & Hebræis, aliisque, qui ab his habuerunt, conuersati doctique essent, omnium maiora verita-

tis momenta retinuerunt : post Stoicos verò Cyrenaicos, Scepticos &c. Epicurei suis sensib. relictæ familiam quasi, ad visibilia se dejiciendo clauferunt: Inter omnes autem has sectas jam à multis seculis quasi tyrannidem arripuit Peripateticismus, adhuc non solum apud Mahumetanos & Iudæos sed & Christianos potenter regnans fato quodā, uti Academiæ nostræ scholæque publicæ testantur, qui tamen quantum cum Autoritate divina & sacris oraculis pugnet, etsi à subditis & amicis suis mirum in modū torqueatur & excusetur, res ipsa loquitur. Secūdi igitur generis pii homines hanc opinionū humanarum vanitatem videntes soli diuinæ Autoritati, q̄ nec velit nec possit decipere, se cōmittunt, quia in re bene quidem ipsi faciunt & sapienter: sed dum nimis meticulosi ne falsitatibus contaminentur, admittere præterea nihil volunt, quod à ratione humana quæ tamen & ipsa RATIONIS PRIMÆ proles est etsi facile deceptibilis, nisi desuper animetur) peruestigatum est, veor ne nimis altè volantes hujus mundanæ structuræ admirandam varietatis tenuitatem propius perspicere non possint. Quam enim Medicinam (ut de alijs artibus nunc taceam) facient, etsi in sacris Bibliis & mineralium & herbarum & animalium & Medicinæ mentio fiat, nisi pressius hunc Naturæ Codicem non suis tantum oculis, sed & omnium ætatum (cum nemo solus sit unde quaq; hynce⁹) quatenus in libris antecessorum de eo consignatum reperitur observent & evolvant, multaq; præterea manualia & chirurgica opera conjungant? Quam Astronomiam ex-

etiam me docebunt, nisi cum Ptolomæo, Copernico, Bra-
hæo, Keplero, Galilæo &c. radium ipsi fumentes veterum
probè observata ad nostræ etiam ætatis phænomena ada-
ptent, & discrepantias cum ijs considerent? Sacra igitur
oracula etsi arcanissimo sensu archetypam atque idealem
divinarum humanarumque rerum existentiam sub um-
brosis & mysticis imaginib. incomprehensibili perfectio-
ne repræsentent, (quod Cabala nos aliquo modo docet)
utpote à *Sapientia* ipsa quæ operatrix harum rerum fuit in-
spirante profecta, cum tamen principaliter salutis nostræ
caussa conscripta sint, ut ex iis mysteria Regenerationis,
& ut ita loquar, Tincturæ supercœlestis in nobis habenda
ad consequendam in renovatione spirituali perfectio-
nem & beatitudinem discamus, ob idq; de iis potius quæ
non apparent, aut de quibus ne quidem cogitare nos po-
tuissimus edoceant, aliorum certe quæ nostris sensibus &
discursibus pervestigabilia sunt, licet verissimè, obiter
tamen & secundariò & non nisi cum ordine ad illa quæ
dixi, meminisse manifestum est. Inque eo imperfectio-
nis accusari non debent; cum ea, cujus causa conscripta
sunt, perfectissimè nobis tradant. Non solum enim V E R-
BUM SCRIPTUM suum D E U S nos relegere & meditari vult,
sed & V E R B U M C R E A T U M quod appello, Mūdum, quorum
utrumque ab E S S E N T I A L I I L L O Æ T E R N O V E R B O profluxit,
Q U O D aliquando I N C A R N A T U M fuit I E S U S D E U S; ideoq; de
H O C testantur A M B O; viceq; versa H O C de I S T I S tanquam
una veritas de altera.

Quod

Qvod si tamen hujus sententiæ fautores id velint, ut diligenti sacrarum literarum meditatione & ardentissimi precibus Deo propiores facti, sancti Spiritus gratiâ, qui in omnem Veritatem nos ducat, iungamur, quemadmodum Solomoni, Esdræ, Apostolis & aliis multis, sed distinctis gradibus accidit, quam ad rem humani ingenii inventionibus non indigeatur, suo quidem loco id concedemus; Si enim homines cum mali sunt bona dare filiis suis possunt, cur non Pater cælestis sua bona iis, qui ex intimo cordis affectu eum rogant? Ea autem Divina Sapientia est, de qua supra mentionem fecimus, omni exceptione major, quæ viva Menti sanctorum Dei digito potius inscribitur, quam voluminibus literarum notis. Nos verò de Doctrinarum genere, quatenus communi hominum usu disci doceriq; debeant, hic loquimur.

Quare Tertium philosophandi modum, qui Opificis dicta cum Opificii tam variis factis, & veris de his, quorum cunque attestacionibus conjungit, & unum cum altero ad trutinam Harmonicam diligenter examinat, ut saniores, & cæteris longè antiquiorem meritò præferendam & sequendam existimamus.

Et si autem plurimi Veritatis amantes idem nobiscum antehac judicârint, cum tamen non reperirent, quibus principiis vulgaris philosophia cum divina concilianda esset, Aristotelismum retinuerunt, & ejus principijs *aristotelis*, ex quibus Autor ipse nihil nisi veritatis parum, falsitatis plurimum deducere & concludere potuit, Veritati divinæ attestari

voluerunt; id quod alii videntes, fucolice & sophisticis verbis res adornetur, omni tamen ex parte quadrare ita non posse, quin seipsam falsitas prodatur, sinxerunt, aliud in Philosophia verum esse, aliud in Theologia, id est divinam & humanam sapientiam inter se pugnare, cum tamen unius Primæ filie sint, vel quod idem est, Veritatē inter se contrariari, quo nihil absurdius sanæ menti nec cogitari quidem potest. Cum Veritas vel sapientia ea dicenda non sit, quæ superiori contrarietur, sed stultitia & insipientia.

Intellexit hoc superioribus annis mira sagacitate Vir & studio veritatis præclarus BERNARDINUS TELESIIUS CONSENTINUS PHILOSOPHUS, ideoque Mundum ipsum & veterum dogmata, divinaque eloquia considerans sedulo, reassumit principia *Parmenidis* Pythagorici Philosophi perantiqui, quem tanti fecit & sapiens Plato, ut quicquid sciret altissimæ sapientiæ humanæ, quam Metaphysicam nos appellamus, sub ejus nomine docere dignaretur: Ea principia, quæ haud dubie ab Ægyptiis vetusta traditione derivata ad Parmenidem pervenerant, Telesius non phantastico conceptu suffulta esse, sed causas verè Agentes & in hac sensibili natura Primas deprehēdens, tanta sensus & rationum firmitate in libris suis *Dererum Naturæ* deduxit & conclusit, ut Aristotelis & aliorum Philosophorum falsitates demonstraret, & uniformem veritatem ac divinæ Autoritati non repugnantem Philosophiam edoceret. Qui libri etsi in multorum manus inciderint, affectato tamen & laxo dicendi genere implicati, & studio ut puto obscurati, cum

sco-

scopus non attenderetur, à paucis fuerunt intellecti, quare & sinistrè à nonnullis in quibusdam accepti & male habiti.

Hoc cum animadverteret THOMAS CAMPANELLA CALABER Teleſii conterraneus, Vir in primis uti ingenio & memoria, sic & iudicii dexteritate admirabilis, Veritatis amore incensus omni studio adjuvit, ne tam pulchrè inceptum opus aliorum inſcitia opprimeretur.

Etsi autem Vir iste cum donis suis abuti velle viſus eſſet, occulto DEI iudicio ad frugem ipſum revocante ingentibus miſeriarum fluctibus tanquam exemplar fragilitatis humane involutus ſit, quibus inimica ſors ipſum quaſi infra ſeipſum inexplicabili afflictione dejecit, ut ne adhuc quidem emergere, poſt torannos ex hoc ærumnarum oceano potuerit, caſtigatione tamen hac admonitus, cò reſiſcendo annis uſeſt ut & ſui & publici boni ergò indefatigabili diligentia mirabilem in modum proficeret, uti ex Vita ipſi⁹ inter cætera gravium dictorum & factorum plena, ſi publicabitur, patebit.

Iſ igitur Philoſophemata illa excellentiori ingenio retexens, longè accuratius & dilucidius deduxit, polivit, auxit, & cum vera illa principia undiquaq; per naturam inſtar ſacularum viam ſibi monſtrare cerneret, divinorum etiam adhibēs oraculorum atteſtationem quam plurimis egregiè conſcriptis voluminibus ea confirmavit, & naturæ venerandam faciem ſenſibili veritate detexit: nec in Phyſicis tantum modo rebus cum Teleſio conſtitit, ſed al-

tiora aggressu adhibiti alijs universalib. & cum sacris literis omnimodè consentientib. principijs omnia humane sapiētiae claustra quasi aperuit in mirabili sua, quam tredecim libris conscripsit Metaphysica, qualis hactenus in literarum orbe visa nondum est.

Ex illa enim tanquam magnetica directione adjurus & Moralia concinnius quam Telesius digessit, & Politica adjunxit, & alias etiam in vita communi necessarias disciplinas secundum naturam reformavit, ut Logicam, cui decem ab Aristotelicis diversa prædicamenta seu rerum distributiones ex natura depromptas præmisit, Rhetoricam, Poëticam &c. aggressus est & alias, ut Astronomiam, Astrologiam, Oeconomiam, Medicinam, quin & Theologiam; alijsq; partim Polemicis, partim Apologeticis & Didacticis scriptis varia in Politicis & Legislaturâ, & Rerum Naturâ, & Mundi Harmoniâ in successionibus temporum (quam alii Cosmocriticam vocant, & si rectè conjicio, *Rotam Mundi.*) ex Analogia, Astrologia, & numeris fatalibus, in libr. Articulorum Prophetaliū explicavit, ut & in *VII*. libris Canticorum, Carmine Italico, de quibus aliâs

Horum librorum plæriq; cum in Apodemia nostra Philosophica per diversas Mundi partes aliquot annos terrâ marique continuatâ, Autorem ipsum convenissemus, ab ipso tanquam chara sua pignora traditi mihi sunt. Quare cum tot ac tantæ nunc Veritates seculo hoc nostro ea in re felici sese ubiq; exferant, facere & pro Candore nostro non potuimus, quin ex ijs quantum licebit, publico communetur,

nicetur, ne lumen sub modio ponatur: Si vel tandem ijs ex parte Mundus proficere velit, & Peripateticismi veterum in veritate indaganda excutere.

Præmittere autem nunc hoc saltem opusculum visum nobis est, quo brevis *ἀνακεφαλαιώσις* Physicorum philosophematum conjecta est, ut iudicia Doctorum ex eo in Germania experiremur, exercitaremusque. Cui si operæ pretium videbitur, subjungemus posthac Autoris pleniorē & concinniorē *Epilogismum Philosophiæ Naturalis, Moralis & Politicæ*, addito opusculo *Civitatis Solis*, quo Idea ingeniosissima Reipublicæ Philosophicæ secundum naturam instituendæ proponitur.

Ut & *Librum Quaestionum* ad usum hodiernum Academicum Europæ accommodatarum super illum ipsum Epilogismum, quibus *κατασκευαστικῶς ἢ ἀνασκευαστικῶς* Philosophia hæc demonstratur. Hic loco erit librorum viginti quos de universitate *Rerum* conscripserat, qui deperditi fuere.

Sequentur deinceps *De Sensu Rerum* libri quatuor, præclarum opus, quo longè aliis quàm hætenus conspecta est, oculis contemplanda exponitur hæc rerum Machina, demonstraturque Mundum esse DEI vivam statuam, beneq; cognoscentem; omnesque illius partes, partiumque particulas sensu donatas esse, alias clariori, alias obscuriori, quantum sufficit ipsarum conservationi ac totius in quo consentiunt, & mirabiles naturæ arcanorum rationes aperiantur.

In

In omnibus istis operibus origines & fines rerum alio quàm vulgato Philosophorum modo considerandi proponuntur, & ubiq; sensim ad Triunum Deum mens humana jucundissima veritatis cōcinnitate deducitur & elevatur. Scripsit & *Triumphum Atheismi* seu Recognitionem Religionis Christianæ ex naturæ arcanis, ubi docet contra Iudæos, Mahumeranos & Atheistas omnesq; alias Philosophorum Sectas & Gentiles nihil in Christianismo credi irrationabile, sed universam naturam de altissimis illis mysterijs unanima quasi cōspiratione testari, quamvis ex posteriori saltem & obscure, ideoq; sacris oraculis, sanctisque DEI hominibus, quibus à priori manifestatum est & clarius, uti veris testibus & non opinantib. in ijs quæ supra sensus nostros sunt, credi debere.

In Canticis si Germaniæ nostræ usui esse possent, carmine Italico totam quasi Philosophiam suam jucundissimis hymnis repetiit, & in laudem DEI & creaturarum celebrationem cecinit, & ad varia Regna & Respublicas Mundi, ut & amicos, & de suis miseriis, lamentationibus non vulgaribus locutus est.

Fortassis & addam volumen literarum, quas ultra ducentas habeo amœbæas Philosophicas quibus de variis rebus & omni quasi disputabili philosophatum est inter nos invicem.

De aliis consulto nunc taceo.

De *Metaphysica* autem cujus superius memini, ut paullo plenior dem gustum, tribus illa partibus & XIII. libris constat.

constat. Ubi monstratur, quàm paucum hoc sit & exiguum, quod ab hominibus sciatur de rebus, idq; omne mancum & ex parte, & non uti res ipsæ sunt in sese, sed prout capi à nobis possunt. Ponuntur ~~novi~~ & faciliores philosophandi modi non secundum opinionem, sed ex testimoniis scientium & natura sensata.

Considerantur Res creatæ tanquam ex *Ente* & *Nihilo* compositæ. & Ens transcendentali sua compositione ex tribus Primalitatibus tanquam Characterè divino constare docetur, *Patientiâ*, *Sapientiâ* & *Amore*; uti Nihilum ex Impotentiâ, Ignorantiâ & Odio.

Quia omnis res est, quia potest, scit, & amat esse hoc quod est, & perdendo hoc posse esse, aut scire, & velle esse, subitò etiam ipsum suum esse perdit, & perit ob nihilitatem illam annexam, (nō enim erat omne vel totum Ens) & in aliam essentiam transit ad transmutationem rerum & generationem.

Ex *Primo* itaq; ac *Summo* & *Solo vero Ente* (in quo ineffabili modo Primalitates illæ longè infinities altiori & incomprehensibili Essentiali simplicitate & perfectione sine ulla Nihilitatis admistione, tanquam in fonte concurrunt, & unum sunt, ratione tamen distinctæ.) quod omnes res ex *Nihilo* produxit, Creaturarum Natura in tali compositione derivatur; quarum Primalitatum objecta sunt *Essentia*, *Veritas*, *Bonitas*, supra quæ seminantur & influunt *Necessitas*, *Fatum*, & *Harmonia*.

C

Hoc

Hoc modo *Primum & unum Ens* Ideas suas inexhaustibiles variis modis per durationem rerum (quæ est tempus, imago semper idem permanentis *Æternitatis*) transportari facit cum instrumentis suis (causis Agentibus, *Calore & Frigore*, in molem corpoream (*Materiam*.) sustentatam in *Spacio* (loco.) basi hujus Mundi, quod in Deo suam habet firmitudinem vel stabilitatem.

Disputat postea pressius de Deo, de Intelligentiis & Angelis & Anima, de Origine ipsorum, de Principio & vita Mundi, de symptomatibus seu *Morbis & Morte Mundi* seu Interitu & Renovatione, de Hominibus, & Ipsorum Legibus, de *Bono*, de *Pulcro*, de *Malo*, de *Vero*, de *Falso*, de *Uno*, de *Numeris*, & *Multitudine*, de *Veritate Religionum*, & de *essentia Rerum Invisibilium*, de *Mutatione Rerum Cœlestium*, & *Humanarum*, & de *Examine Principiorum omnium Sectarum & Scientiarum &c.* Donec tandem ad *Beatitudinem* devolvatur, quam demonstrat nihil aliud quam ipsam *Essentiam* esse vel hujus *perfectionem & Unitatem*, ad quam *Religione & Puritate* ascendatur, ut animi in ea quasi fulciantur & religantur. Extraque Deum quæri non posse, qui Ipse solus sit *Fons & Finis omnium*, quæ esse habent aut desiderant *Æternus, Gloriosus, Benedictus* in omnia secula.

Egregia ista Christiani Philosophi scripta etsi talia sunt, ut aliorum luminibus facile obstruere possint, conceptusque contineant, quales vix ab aliis ejusmodi rationibus

nibus accomodati, cogitatiq; sint; non tamen ea, quasi omni perfectione absoluta venditamus, quin ego quidem ex mea parte libēter in iis & suos defectus & nēvos agnosco, (uti Humana Sapientia est, quæ nec in unum subiectum & tempus cadit omnis.) quos & ad Autorem ipsum aliquando nō dissimulavi, veluti & quod accuratā diligentia revisi nondum sint. Sed non mirabitur, cuicumque miserimus ipsius status & extremæ cum indigentia rerum necessariarum afflictiones non incognitæ erunt, quin potius in tantā animi & corporis pressura, tantam diligentiam & infatigabile studium, ingenium igneum, & memoriam sine exemplo obstupefceret.

Grato autem animo accipio ista, quantacunq; Deus per virum istum elaborare & dilucidare voluit, quæ veritatibus consonant: Principia enim si recte considerentur, accomodatissimè posita sunt, & summa concinnitate respondent, quæ universa in se brevi complexu continent, quibusq; dilatatis & restrictis facile est explicari, & firmiter superædificari, quicquid dies & experientia Veritatis Magistræ nobis detegere porrò voluerint. Dies enim diem docet, & uti nunc sunt tempora, Cælo Terraq; in veritatē propalandam quasi cōspirantibus. ingeniorum feracissima, quibus ingens rerum in natura latentium detectio facta est, non dubitandum quin alia plura provenire possint.

Post inquisitum enim melius hunc globum nostrum quē inhabitam⁹ per tantas navigationes, & immensę rerū

naturalium varietatis historiam locupletatâ, quis Gilberti Angli Magneticam in Terrâ Philosophiam nō mirabitur? quis in Cœlo Copernici, & Brahæi incredibile studium, itemque Galilæi tam inauditas observationes in Sole, Luna, alijsque Planetis & Stellis beneficio tubæ optice factas, & Kepleri tam ingeniosos & nunquam satis laudandos labores non suspiciet? Nec Iordani Bruni, Nicolai Hill, Fr. Patricii, Gv. Postelli & aliorum imaginationes & philosophemata omnia omninò vana sunt.

Quibus si accedat Germani Hermetis Paracelsi Anatomia Vulcanica, & Maturatio naturæ inferioris, quid Natura à nobis abscondere amplius poterit, ut qualem humana cōditio & Opificis beneplacitum cognitionem rerum ferre velit, non adipiscamur? In omnib. autem illis quantumcunq; veri inest, & inter se & cum aliis concordare debet: id quod in principijs his nostris concinniter fieri posse existimamus: sicut in Philosophia Nostra in Germanica lingua non sine causa conscribenda, si Deus vitam largiendo nobis permiserit, manifestum fiet. tantum enim abest, ut Chymicis (quæ tamen Campanellam experiri afflictionum suarum necessitas non sivit.) nostra sint dissona, ut ea longè melius & dilucidius explicant, & ad plura arcana eruenda viam facilem monstrent. Nam Sulphur & Mercurius & Sæletiam ex Calore & Materia constant, certis tamen & appropriatis gradibus, ideâ caractereque suo specifico, quibus vis seminalis constituitur. Aliter igitur considerat sapiens principia in se, aliter operatur Natura practicè iis junctis.

Vos

Vos autem ô Philosophi Viri Veritatis Amatores admonitos volo, ut hæc etsi in vulgus nova videri possint, temerè ne repudiatis, quin exactiori iudicii trutinâ ad Naturæ & Sensus momenta ponderando maturè examinetis; imprimis ab inanib. verborum sophisticationibus, quæ Philosophos non decent, abstinatis, res potius & earum argumenta considerando.

De Stylo (si tam delicatæ, ut nostratium nonnullæ sunt, aures reperiantur, quib. non ubiq; ita accuratus, & ex scriptis mendosis interdum depravatus videatur.) super vacaneum puto excusare; cum Philosophus non loquatur, ut loquatur, sed ut intelligi velit.

Cæterum cogitate nos in hac vita omnes in specu Platonico latere, diversis licet intervallis, simulacra & umbras potiùs admirantes, omnes tamen ad lucem aspirantes, cur miseriam nobis cavillationibus adaugeamus, invicemque ad antri januam & claritatem contendentes præpediamus? quin potius ad properandum alter alterum exhortemur, confirmemusque, & si possumus fraterno amore doceamus manuducamusq; cum omnes ejusdem Domini servissimus.

Quod si pro veritatis indagatione nonnullis, qui prius hæc nostra rectè intellexerint, redarguere quædam placeat, iis si nova & quibus satisfactum in aliis nondum sit, afferant, modestè respondebitur; calumniæ non attenduntor.

De Principiis autem in sensibili hac natura summis *Calore & Frigore* id ne minus advertatur, monitum repetimus, ut vulgato Peripateticorum more ne quis intelligat nudas qualitates & accidentia, & sibi nescio quid vile imagineatur, cum *Calor noster* sit Lux illa vivida, cælestis, natura nobilissima, subtilissima, purissima, essentialis agens, omnis rerum motus causa, quam Creator tanquam instrumentum & fabrum vivificum & penetrantissimum ad exsequenda mirabilia sua opera materiæ indidit, qui in Sole, Mundi corde, regnum suum posuit, de quo & Divinus Moyses testatur. Is igitur operarius indefessus & indeficiens omnibus se miscet, qui cum per omne corpus spiritum nostrum tangendo pulsatur, Calorei est, cum oculos nostros ferit, iis lux & color est, cum linguam attingit, gustum facit, & cæteros corporis nostri sensus ciet, ut cognoscantur per ipsum res à spiritu nostro interno, qui idem cum ipso est, dux & magister omnis in hac vita sensualis expeditionis, sub Imperio tamen in hominibus. Mentis immortalis. Simile de adversario ejus sed ignobiliori, ex contrario judicium esto.

Denique & alios Sapientiæ Amatores exhortamur, rogamusque obnixè, ut & sua quæ habent *Axiomata* De hac Mundanarum rerum serie, Rationibus & Experientia verificata nobis & publico Bono impertiant, eorumque communiceant, quantum in vulgus edi fas est, quibus se putent debitam de hoc glorioso Creatoris opere attestationem facere

facere, & tanquam sanctos hymnos in Patris Æterni suorumque mirabilium honorem concinere: quid enim nocet de iisdem sæpe à multis etsi variè sermones haberi, cum nunquam hæc dignè concelebrari aut explicari queant? Nam & hoc persvasum nobis est, nos cum de Creatore & tam abstrusis & altis ejus operibus loquimur, ignorantia facile & sæpe peccare, ut qui per translationes & similitudines in rebus nostris repræsentatas, non verò secundum id, quod entitates requirunt, effamur, quibus tamen Pater Benignus, tanquam balbutientibus filiis libenter condonat, & Amorem potius ac affectum respicit, si sincerus est. quemadmodum & nos infantibus nostris condonamus, & præpeditis eorum lingvis aliquando delectamur, cum præfractis ad nos voculis Tata ingeminant. & fortè si Angelos nobis daretur audire de iisdem rebus loquentes, & intelligere, longè alios & altiores experiremur conceptus, & verba quæ cogitata nondum à nobis essent.

Ex his igitur variorum attestationibus, quæ etsi verbis sæpe discrepant, ex circulo tamen hujus rerum existentiae excidere omnimodè nullo modo possunt, harmonia & consensus Veritatis enascens collaudari debet, ut inter homines SCHOLA PRIMÆ RATIONIS, pro qua & nos laborare, & Academiam Nostram instituere, pro virili nunquam desistem⁹, conjunctis operis

operis ædificetur ad Gloriam Ejus qui nos fecit, & locum nostrum inter suas creaturas cognoscere dedit, donec à PRIMA POTENTIA per illam ipsam PRIMAM SAPIENTIAM IN PRIMO AMORE uniti & erroribus omnibus expliciti ad æternam Beatitudinem conjungamur & perficiamur.

Dabam a. d. vii. Ianuar. Anno Epoch. nostræ ∞ 15 CXVII.

Tobias Adamj.



SONETTO


S O N E T T O

DIE. TH. CAMPANELLA

A. T. A.

Portando in man' la Cinica Lucerna
 Scorri Adami l'Europa, Asia & Egitto,
 Finche i piedi d' Ausonia in luogo hai fitto,
 Dou' io nasco sto in Ciclopêa caverna
 Fatal brando à te tempro in Luce eterna
 Contra Abaddon, ch' oscura il Vero, el Dritto,
 Di qvanto in nostra Scuola gia s' è scritto
 A' gloria di chi noi fece e governa.
 Contra Sofisti, Hypocriti, e Tiranni
 D' armi del *Primo Senno* ornato vai
 La Padria à liberar di tanti inganni.
 Mal' setorci: gran Ben, s' indrizzerai
 Virtute, Diligenza, Ingegno & anni
 Verso l' Aurora degli eternirai.







COMPENDIUM DE RERUM NATURA IRO PHILOSOPHIA HUMANA.

DVCE sensu philosophandum esse existimamus. Eius enim cognitio omnis certissima est, quia fit obiecto præsente. Signum est, quod aliæ cognitiones dubiæ ad sensum recurrunt pro certitudine. Distinguitur in præsentem sensationem, & anticipationem, quæ est sensatio præterita, ex quo nati sumus vsq; ad præsens, quo incipimus philosophari: hæc dici solet memoria, & secundum certitudinis obtinet locum. Tertium habet discursus, qui fit ab his notis per sensum ad ea quæ non sentimus, sed similitudine horum indagantur. Ultimum intellectio tenet, quæ separat communia à particularibus, quia fit languens notio in illa propter distantiam obiecti mouentis, & ideo contigua est imaginationi; quæ res impossibiles copulat & omnino inseparabiles diiungit, de quibus postea. Verum communis scientiæ sedes est discursus & Ratio, quia non omnia possumus sentire. & Ratio eò certior & realior est, quo sensui vicinior est. e contra imbecillior, quo Imaginationi magis appropinquat, & à sensu se alienat.

His positis, elementa cognoscenda in Philosophia sunt, quæ primò sentiuntur cum nati sumus. Omnis enim ætas consumitur addiscendo.

Novimus, videmusque primum rem esse, deinde actionem, & passionem. inde contrarietatem & similitudinem, odium & Amorem, Unum & multa, magnum & paruum, Causas et effectus, proprietates & accidentia, & scire est per hæc discurre.

Esse rerum, essentiam, & existentiam unum idemque existimo. tunc enim res video habere esse cum existunt, et existunt cum habent essentiam, et e contra. et quæ non habent existere, non habent esse. Falluntur Peripatetici quia appropinquatur Imaginationi in hoc. res enim in causis est causa, vel exemplar, & idea, sed essentiam non habet, nisi in actu sit, & è rebus. quod nihil aliud nisi existentia. Quæcunq; existunt, in aliquo loco existunt (. de physicis loquor, non de Angelis, DEO, & mente humana) ideò exordior philosophiam à Loco.

Locum dico substantiam primam incorpoream, immobilem, aptam ad receptandum omne corpus. Dixi substantiam, quia substat omnibus, namque alia quæ aliis subiecta non sunt, substantias non voco, sed causas agentes, ut Calorem & Frigus; & quæ à Peripateticis sunt formæ dictæ; vel essentias, ut DEVM, Angelos, animas, & cetera Metaphysica nā nec ipsi dicuntur substantiæ, nisi improprie teste August. 7. de trinit. vel proprie à subsistentando, non à substando, sicut hic loquor. Cum ergo substantia dicatur de substantibus, & subsistentia, Locus, Corpus, & compositum ex corpore et causa agente; Jure primam substantiam dixi locum, id est sedem, & basim, quæ primo substat, nam Corpus secundo substat. Est incorporea, aliās non posset corpora concipere. Immobilem dixi, quia sensu videmus eundem locum à diuersis occupari corporibus, & ipsis recedentibus alia succedere. apta ad receptandum & c. ut posset recipere corpora, Commensuratur corporibus, et sicut illa sunt longa, lata & profunda, itidem

de locus long^o est, latus, & profund^o, sed in corpore. aliás essent duo corpora simul: nam locus penetrat locata. Hincruit argumentum Aristotelis contra hanc positionem. hinc collige locum non habere contrarium. aliás quaedam corpora reciperet, & quaedam non, quod est contra sensum, nec locus loco contrarius est. Nec tendit sursum ignis, quia locus infernus est sibi contrarius, sed terra quæ est in inferno. Sursum, deorsum, ante et retrò sunt contrarietates respectu nostri, non naturæ loci. In circulari mundo hæc non sunt, quia magis dicerem sursum ipsum centrum, quàm peripheriam. Nec datur graue et leue, nisi sicut signa à nobis inuenta, vt deinde scies. Nulla ratio suadet iocum habuisse initium, sed omnes clamant contra lumen fidei, quæ dicit Mundum factum, dicit & locum.

Describam primùm Mundi originem, quam Fides et Ratio suadet, licet aliæ rationes sint aduersæ illis, sed utraq; solubiles. Illud præfatum me arbitrare, Locum esse extra mundum, et forte infinitum. Sic Ratio dicat, et Imaginatio gaudet, et Theologi DEVM limitib. Mundi soluant, quibus semper obediam. nec Aristotelis rationes quicquam probant hunc locum vacuum, qui remanet ablato mundo. .cœl. t. 99.

Quidam Stulti putarunt esse DEVM, quia omnia continet, omnia seruat, nemini nocet, et caret fine, sed nimis peruersè, ut alibi docui.

Locum esse superficiem idem est dicere, ac hominem esse asinum. non enim eiusdem generis species definit aliam disparatam, sicut Aristoteles contra suum dogma facit. Sunt enim superficies et locus Aristoteli species quantitatis continuæ. Item superficies non proportionatur, nisi vni dimensioni locati, non omnibus. Item semper ferè mouetur superficies locantis, ut patet de turri, quam continuè dicere oportet moueri localiter, quia mutat locum, & quiescere. quæ dixi aliás cōtra suos defensores, hic taceo. prædic. cap. 2.

Vacuum non datur, quia omnia corpora sentiunt, & mutuo tactu gaudent, ut dicemus, & sicut animal non vult secari, sic Mundus. At per violentiam datur, ut patet in solle, phiala, & plenis, & cucurbitulis nam non traherent usque ad repletionem, nisi conciperent vacuum. & fissione nubium, & forte in ipsa rarefactione aeris intercipitur vacuum, quia magis distant partes in raro, quam in denso, & partes tenuiores, quæ subeunt, & ipsæ vacuum intercipiunt, sed alias vidisti Lucretium. Nescit Aristoteles cur non detur vacuum. falsum est in vacuo fieri motum in instanti. resistit enim mobile finitæ naturæ, & inaccessibilitas spaciū.

Teleſius ait (nec in præmio ut ego.) Locum esse interuallum in corporeum, sed idem est. Et quoniam quæ sunt in loco, in tempore sunt. Tempus definitio esse durationem successiuam rerum, ideo quæ magis succedunt sibi per transmutationem, sunt magis in tempore. Nego tempus esse numerum motus secundum se, sed bene secundum existimationem nostram, quæ inde nata est, quod numeramus motum tempore ferè semper, & numeramus tempus motu, & non existente anima adhuc tempus est, & non numeratur. Omnis mensura est mensura respectu an mæ, ut palmus & vlna mensura sunt, sed præter id, secundum se sunt manus expansa, & brachium extensum. Sic tempus mensura nobis est motus, & secundum se est duratio essentie vniuersorum Tempus non secatur ad sectionem motus, & mobilis, ut putat Aristoteles, Sophisticè loquens.

Tempus mensurat quietem, & potest apprehendi sine motu. Sed ducimur ad eius notitiam à motu. Componitur ex instantibus sensu indiuisibilibus, quæ Imaginatio diuidit tamen semper, sed frustra, ut solet. Et instas additum instanti facit maius, quia duo sunt plusquam
vnum.

Unum. Ne te fallat, quia indiuisibile additum indiuisibili non facit maius, ut inquiunt; hoc enim verum est de indiuisibili imaginatione, sed non sensu & physicis. Ita dico de lineis & corporibus ex atomis componi physicè indiuisibilibus, quia sensus diuidere non potest, nec bona ratio; sed bene illa, quæ adhaeret imaginationi. Componuntur item ex indiuisibilibus quoad nos, non secundum se. ne te fallat Zeno vel Aristoteles. Non probatur tempus incepisse, nisi ab his, qui faciunt illud affectionem motus. Creditur cum Spatio simul factum esse.

In medio Spatiij vacui. (Sic ratiocinor sed non sentio, nisi ex nostris actionibus, quas primum imitatur.) DEVM posuisse materiam, id est Corpus inconstructam, aptum ad constructionem recipiendam. Eique appositas causas agentes duas. Calorem scilicet & frigus, quæ in communem massam, ut suam efficerent, agentes, duo Mundi Corpora prima effecerunt, Calor scilicet cælum ex materia deuicta & attenuata. Frigus terram ex portione correpta, & condensata. Nam robustior Calor citò attenuauit portionem suam, & vnde quaque profiliens in peripheriam, vbi dicimus sursum, accessit, frigus inimicum fugiens, & in gyrum actus Cælos expandit, ac sentiens suam tenuitatem à frigore corripitur exsuperariq; in quibusdam partibus se unijt, & refulsit, & ibi Cælum Stella dicitur. & meritò in extremo Cæli, vbi sua vnio à frigore terræ non poterat impediri, facta est multitudo Stellarum, quæ fixæ dicuntur. Nam Luna quia vicina est terræ ex partibus minus puris est constituta, ex se non lucentibus. Sol verò ex longè copioso vnitoque calore constitutus est. (DEO ordinante tamen.) & calor vnitus lucem emisit. & factus est tantus, qui terram continuo possit oppugnare. Nam frigus alia agens Causa, abire in gyrum sentiens

tiens Calorem, molem suam constipauit, & Undequaque fugare volens inimicum, circularem fecit. Omnis enim Sphæra fit causa conseruationis. & ideo terra se sustinet in sublimiori medio immota; quia quocunque moueretur, a calore oppugnaretur.

Deinde Sol circa terram circumuolutus eam oppugnando, si attenuat, facit aerem, & Vaporem, partes nostri cæli. Si eliquat, aquam; si indurat, lapides; si vtrumque, plantas; si eliquat simul, indurat & attenuat, animalia. Sed ex liquore & Vapore fiunt innumera rerum species; ut deinde docebo.

Redeamus. Dixi Materiam Corpus. quia sine Corpore nihil est ipsa, nisi Chimæra Aristotelis. Idem enim est materietas, quod corporeitas, ne te fallat Auerr. qui arguit: ergo est composita ex forma & c. Corpus enim forma non est. sed in omnes formas agitur. Voco formas rerum figuras, quia quæ cum materiâ res componunt, Voco causas actiuas, sed abusiue dici formas. Forma enim est materiæ extremitas & finis. Volo res componi ex causa patiente & agente cum suis integritatibus tantum. Non habet Corpus constructionem, nisi à calore & frigore illud in effigies efformantibus. Dixi aptum & c. Ut ex hoc excludas corpus non agere, sed recipere rerum actiones & formas. Et ideo est inuisibilis materia, nam si videretur, ageret in visum, & ideo nigra. nigrum enim est quod per se non videtur. Tenebras enim noctis sic videmus oculis clausis, sicut apertis. Omnes Colores componi volo ex tenebra materiæ, & luce Solis. Lux enim est albedo viua, nam quæ apud nos spectatur, mortua est, nam non sese effundit, albedo vicinissima est luci, postea albidum, deinde puniceum, inde croceum, viride, purpureum, albugum, fuscum, postremum tenebræ contiguum.

Sed

Sed horum infiniti sunt gradus secundum magis & minus eorum mixtionis. Lux est caloris color, & species, facies, apparentia. hæc synonyma sunt. idem calor ut oculis obijcitur vocatur Lux, ut verò tactui calor. Tenebra color est materiæ, frigoris facies est ignota. quia robustum non aduenit ad nos. non enim ingreditur opus naturæ. Res combustæ apparent nigre non propter calorem, quia est alb^o, nec propter frigus, quia ignis expellit frigus ergo propter materiam. nam calor educit partes tennes, in quibus est albedo Caloris scilicet facies, & nigredo materiæ, quæ latebat sub illis manifestatur. nam ubi est materia, est nigredo, nisi obtegatur à caloris facie, Telestus ait. Ego arbitror non aliam esse frigoris faciem. Contentum enim est facie materiæ, ut puta luci oppositâ satis.

Aristoteles nihil prorsus sciuit de coloribus. Habes cælum albissimum, Terram nigerrimam. Item, mobilissimum cælum. Calor enim seruatur motu, & quiete torpet & extinguitur, terram verò immobilissimam, frigus enim quiete viuit. Item, cælum tenuissimum, tenuitas enim apta est ad motum, terram densissimam densitas enim in quiete coaptatur. Postremò cælum calidissimum; terram frigidissimam. Quod cælum sit calidum, Sol demonstrat ad sensum, qui similis est nostro igni, & lucem demandat & calorem; ut hic Omnis ignis Mundi à Sole est deriuatus. Aristoteles respondet non esse in Sole lucem & calorem, sed fieri ab eo atterente, & verberante aerem fallit: quomodo enim verberat aerem, & non cælum? Nihil pro illo Peripatetici, nisi Chimæras. afferunt exemplum de lapide contuso emittente lucem & calorem. Sed scito ibi inesse calorem, quia lapides & ligna fiunt à calore à terra liquefacta & indurata partib. tenuibus exhalantibus, cæteris tamen calidis remanentibus; ut eorum color ostendit. + ubi color,

ibi calor. Et Arist. ignem illis non negat, quæ componit ex quatuor elementis. Quod dicunt aerem medium accendi falsum est. aer enim fugit ictus. Nec virtute motus fit ignis, sed motus laxat partes densas, & ignis qui latebat, egreditur. ubiq; n. sunt partes sulphureæ calidæ. hoc patet, quia mille ictib. non emittit tantum caloris lapis communis, quantum uno ictu silix. ergo in silice est ignis, non in virtute motus, quia id faceret in lapide communi motus ipse. At aer non recipit plagas, sed fugit, nec calorem condensatum habet, quem emittat. & si supponas paginam dum excudis ignem ex silice, videbis cinerem sulfuream cadere ab illo. Cinis a non fit ex aere flagellato, sed tenuitas maior. Ideo boni Peripatetici reliquere Arist. & posuere igneum Cælum, vt Io. Gram. Simplicius verò cum Platone sentit constitui Cælum ex partib. puris elementorum, quod non rectè docet Timæus. quia non potest vñri terra & ignis, vt terra moueatur more ignis existens natura inmotā, sed oporteret ipsum esse terreum destructum esse. Quod dicit de soliditate solis, nunquid ipse tetigit? Ego dico tenuissimū; quia non moueretur, nec luceret. videmus n. lucem transiectam restranspicias in aere tenuissimo globari, & lucere, & ignire quæ apponuntur. Cur nō sit talis Sol? falsum est, q̃ dicunt de calore æquiuoco Solis; Lux n. generat vbi vñritur, ignem vñuocum nostro. Et licet generet lux verna debilis, corrumpit æstiuā, q̃ fugimus. Et noster ignis sicut Sol generat, fouet & corrumpit diminiut°, & au. 7°. etiam albus est sicut Sol, sed materia nigredine fit rubeus, & croceus. qualis etiā fit lux solis in vaporib. nigris matutinis, & ride, quorum facies à calore non est exsuperata. Hic cessat argumentum Arist. ex colore contra Anaxagoram. Soluitur etiam quod inquit, Ergo tantum Cælum exureret terram tantillam. Non exurit calor cæli, quia est exilis, & disgregatus. exurit Stella, sed propter remotionem non potest.

Sol.

Sol verò qui potest, mouetur continuo, & nunquam eandem terræ portionem calefacit. & ubi directus est, calefacit magis, ubi obliquius minus, & ubi vnitur lux, exurit. Planetæ verò parui sunt, qui nequeunt ad nos qui vult calorem demandare, & comparantur stellæ ad terram, sicut candelæ nostræ tantæ molis videntur, licet sint longè maiores sed qualis est portio ad visum, talis est ad vitionem. Quod inquit, si cælum est materia nostra, ergo corruptibile, ergo corrumpetur per appetitum materiæ, sic soluitur; Nihil corrupti, nisi à contrario potentiori, & quia Cælo terra modo est contraria, quæ imbecillior est, ideo &c. Hic nota materiā non appetere aliam formā, seu potius causam actiuam. & a agens in ea regnans omnia, alterius contrarij appetitum extinguit, non ubi calor est unde quaque penetrans materiā, appetitus regnat frigoris.

Putrescere non potest Cælum, quia ignis non putrescit. conuertit enim omnia in se, nec extranea admittit; quo fiat putredo. Scito formas non latere in materiæ sinu, & inde egredi. Sed omnes esse portiones causarum agentium figuræ vero quæ veræ formæ sunt, effici in corpore ab agentibus. Quicquid habet cælum, à calore est, lux enim eius est facies, motus eius operatio, tenuitas dispositio eiusdem.

Dedit summum frigus terræ, non aquæ. quia omnis aqua fit frigidior dum glaciatur, non ergo summum frigus, si potest plus recipere, ut putat Aristot. Calor qui est in cavitatibus terræ, est à Sole effusus eius fonte, genitusque.

Quia ergo duo sunt agentia principia, & vnum patiens, quod bene Aristotel. dixit rescribens dicta Parmenidis; igitur duo sunt elementa, quæ videmus, Sol & Terra omnia ex se ipsis generantes. Nam prima principia actiua sunt in Mundo, igitur sunt in primis Corporibus, igitur duo prima Corpora vnum vnius, alterum alterius subiectum.

Quia video contrarietatem in rebus, & contraria fieri à contrariis: ideo plura esse principia disco non vnum; quia idem sibi non contrariatur. Et quia ab uno multa fieri video, disco non infinita principia esse, sed pauca numero. & quia ad contrarietatem vnā omnia reduci sentio contraria, ideo duo extrema eiusdem contrarietatis actiua pono principia. hac autem videmus esse Calorem & frigus. nam lux & tenebra sunt eorum facies, motus & quies, operationes eorundem, rarum & densum, humidum & siccum à Calore & Frigore fieri in materia quisque inspicit, etiam Aristoteles qui ponit ea principia.

Privatio ponitur Parmenidi actiuum principium, sed ignobile, ipsū scilicet frigus, habitus nobile scilicet Calor, unde Aristoteles duo actiua ponit, & deinde sibi contradicit ponens priuationem esse nihil, dum nescit soluere sophisma antiquorum, quod petit, vtrum res fiant ex Ente, aut ex non ente. non ex ente, quia iam essent, nec ex non ente, quia ex nihilo nihil fit. Cui sat erat dicere ex non ente tali, id est ignis ex non igne, sed non ex nihilo simpliciter, vt ipse ait ex priuatione, quæ nihilest, quam tamen posuerat actiuum principium formale debile, & ideo veluti non ens cum Parmen. & alibi dixit Platonem ponere duo passiva magnum & paruum, & vnum actiuum Ideam, se autem ponere duo actiua, priuationem & formam, & vnum passiuum materiam. Item alibi dicit priuationem ens imperfectum contra eundem Parm.

Sibi contrariatur Aristoteles dum ponit duo actiua principia, & postea quatuor. nam addit humorem & siccitatem. sed primam opinionem accepit à Parmenide, secundam ab Ocello Lucano Pythagorico, à quo mutuatur etiam verba, si conseras secundum de Gener. Aristotelis ei libro Ocelli Lucani de mundo non interituro. Nemo Peripate-

4. Metaph. tex. 1.
1. phys. tex. 97.

. phys. tex. 59

1. de gener. tex.
8.

pateticorum exposuit bene primum i. hysic. Nam intelligunt priuatione nihil, & materiam ens inanime, & formam quæ nascitur, non quæ facit nasci de gremio materie, esse principia. quæ quippe chimerica sunt, & non entia, ex quibus realia entia effici nequaquam possunt.

Si Aristoteles ponat quatuor contraria prima, oportet ponere duas materias primas. nam ut dicit primo physicor. text. 56. & sæpe, ad transmutandum vnā materiam vna sufficit contrarietas, cuius duo extrema per vices in ea agunt. & subdit: Nam si quatuor essent contraria, due essent primæ materie. sed hoc est falsum. Videmus enim (ait) ex quolibet fieri quodlibet contrariam per vices ergo ait, vna est contrarietas, ut vnum sufficiat ad patiendum, & duo ad agendū. Hæc ille. in 2. de gener. postea ponens quatuor prima corpora facit duas Contrarietates primas nesciens contra Ocellum, Empedoclem, & Hippocr. probare duo corpora, sicut suis positionibus congruebat, & sicut fecit Parmenides, ex quo ille accepit duo actiua principia, & tamen renuit duo tantum corpora, sed recipit quatuor ab alijs, quod fatetur 2. de gener. tex. 34. inuitus tamen. Sed ignaui expositores sui putant in 1. physic. locutum de vniuersalibus principijs; ibi autem in 2. de gener. de principijs elementorum, nescientes principia vniuersalia esse in rerum natura. Quare ait Aristoteles in 1. phys. principia semper manere. Sic dicit esse realia, & agere realiter, nec in rerum natura posse existere, nisi in primis corporibus. nam quærentur vniuersalia physica, non logica; id est in efficiendo, non in predicando. hæc enim sunt in mente, illa in re. elementa enim sunt vniuersalia in causando. At humorem & siccitatem non esse principia inde patet, quod à Calore liquefaciente, & attenuante fit humor, & à frigore siccitas.

Principia non sunt ab aliis. quandoq; per accidens à Calore, ut dicā.

Locutus sum de principijs simplicibus Calore, Frigore, & Corporea Mole. Dicam nunc de compositis duobus elementis. At ne te moueat Peripateticus, Calorem & Frigus accidentia esse, ergo non principia; quia adsunt & absunt præter subiecti corruptionem. Alij dicunt substantiæ nihil esse contrarium; nec suscipit magis & minus, nec sentitur. Sed Calor &c. ergo &c. Scito non esse definitionem veram accidentis illam. Nam mors accidens est, & corrumpit, & anima substantia est, & non corrumpit subiectum; ut patet dum in aerem euauit. At apud nos accidens est illud quod præter intentionem agentis sit, ut cū incido in lapide; & cū frigus vult frigesacere, & calefacit per Antiperistasin cogendo calorem, quod non intendit facere. Stultitia est, dicere Quantitatem accidens, calorem & frigus accidentis, & lucem & tenebras, quæ maximè sunt intenta à Natura, & sine quib. Mundus est nihil. Nec tamen hæc substantias appello. nam substantia est res subiecta, sicut corpus, & locus. Sed voco causas agentes Calorem & Frigus. Cætera horum opera, vel facies aut proprietates &c. Nihil accidens est in natura, nisi in respectu.

Detur illa Porphyrij definitio, adhuc calor est substantia, ut loquar eorum more. nam generat substantias & corrumpit, quod ad sensum facit Calor Solis & Frigus. Sed, aiunt, agit ut instrumentum. R. Instrumentum agere teste Arist. 8. phys. text. 27. dum ab Agente principe regitur, ut patet de penna, & gladio, quæ non agunt nisi agente manu, at ignis sine alia forma ignis ex se ignem generat in nubibus, & sepulchris ex Vaporibus, & in confricatis lignis, & constricto ferro. Hic nota accidens non generare substantiam. nam nulla substantia gignitur, nisi composita, quod accidens non facit, sed causa agēs.

Nota

Nota quando Calor calefacit aquam, & non corrumpit, non ideo esse accidens, non enim corrumpit; quia non tam diu egit quam diu opus fuit ut vinceret, nam corrumperet & conuerteret in vaporem sibi cognatum ens. Sic in manu. Et falsum quod dicit Arist. Quod vni est substantia, alteri non est accidens. nobis enim vestis est accidens, sibi substantia, & Calor igni est substantia, nobis & lapidi accidens, dum ab extrinseco calefacit, sed si ad ea agit, ut in se conuertat lapidem vel lignum, aut manum; fit eius substantia peripateticè loquendo. nam eius compositi pars agens est. Mihi stultum est dicere, substantiam non habere contrarium: hoc tantum verum est de materia, & loco, non de agentibus. & Arist. sibi repugnat in hoc. & Aphrod. & Auerr. nobiscum est. Nam quomodo duo actiua principia agerent in inuisem, & efficerent generationem, nisi essent contraria? & nisi susciperent magis & minus, non facerent mixtas res diuersas, sed vnius gradus tantum &c. & nisi sentirentur, Physica esset scientia de accidentibus tantum &c.

Aphrodiseus, Olympiodorus, Ioan. Grammat. Ammonius, Galenus, Hippocr. substantias ponunt Calorem & Frigus, nec aliud ab his dant elementum formale, nec Arist. contrarium docet, nec innuit unquam elementa habere alias formas, & esset valde deminutus, nisi de formis elementorum ageret, sed de accidentibus. Sic saltem dedisset modum cognoscendi quod sint, sed non potest dari, nec operatio reperitur in Mundo, quæ non fiat ab his. ergo hæc sunt principes causæ, quia omnia faciunt, non fiunt ab aliis. nam motus excitat, non generat calorem. Sunt prima contraria, semper manent in primis Corporibus, unde ad agendum sese effundunt, & sunt maxime sensibilia, & realia. hæc. n. sunt conditiones requisitæ ad causas principales
Vniuersi.

Uniuersi. Conditiones elementorum sunt, ut maxima omnium sint corpora, ut habeant actiuas causas, quas Medici dicunt qualitates, summe actiuas non refractas: in hoc enim differunt ab elementatis, ut ex ipsis effundantur sensibiles maxime actiue cause ad agendum. Sint maxime contraria, & ab alijs non generentur, sed sese generent suis facultatibus. hoc conuenit tantum terræ, & igni, id est Soli. ergo &c.

i. met. c. 4.

Negamus alium Ignem à Sole, quem Aristoteles ponit in concauo Lunæ, nam esset ociosus. non enim potest venire deorsum ad mixtionem, quia ista natura manet, quò fertur per Arist. Nec fingat detrudi deorsum à motu Cæli. nam cum detrusus fuerit, subito redit denuò sursum. Item in cauitatibus Terræ fiunt res Calidæ Sulfuræ, & in maris profundo, quò alius ignis non penetrat à Sole. ergo Sol solus est ignis igneas res producens à predominio vbi que.

i. cæl. text. x. &
seq.

Sed ait Arist. ignis fertur sursum naturā, & Cælum fertur in gyrum. ergo sunt contrariæ naturæ. Respondeo, ignem ferri sursum dum fugit terram, & hunc motum rectum esse regressum ad naturam. Verum dum est sursum, natura fertur in proprium, quod Arist. ostendit motus Cometarum. Item considerandus est motus totius ignis, & in proprio loco, & non partis extra locum suum. Et falsum est, quod ait, ipsum moueri circulariter violentatum à Cælo, nam ignis seruat motum. & si non potest ferri deorsum, neque sursum, consequens est ut feratur in circulum. Item si vi moueretur, esset iam extinctus, quia ut ipse dicit non est magis contra naturam ignem ferri in circulum, quàm deorsum. hic caue dicere supra naturam, ut faciunt scioli, quia Arist. suum non intellexere.

i. cæl. x.

i. cæl. digr. II.

Ex hoc excluditur fictio Simplicij, qui dicit moueri à corpore nobili,

&

Et ideo non corrumpi; etenim nobile corpus violentat magis. Et Aristoteles arguit contra Platonem, cui Caelum mouetur ab Anima, quæ nobilior est quàm Corpus cæli, quod violentat ignem, & tamen violentiam dicit Arist. motus circularis eius. Hic nota motum sursum esse fugam inimici, sicut motus deorsum terræ. nam terra naturâ quiescit, non mouetur; & Aristoteles sibi repugnat, dum naturâ quiescere vult, & postea omne corpus simplex habere dicit motum simplicem.

1. cæl. t. 5.

Nota ignem non esse siccum, ut putat. Siccitas enim est repugnantia alieni termini, propriique retentio valida; at ignis non habet terminum; quia tenuior est aere. ideo non siccus. recipit enim omnem figuram tangentis; ut patet in flamma. Si enim siccus esset, durus esset. ergo densus. Ideo scito duas extremas esse materie dispositiones, Densitatem & tenuitatem, hanc effici ab uno calore, illam ab uno frigore. & dum calor agit in densitatem, antequam veniat ad tenuitatem in hos deducit gradus: 1. in lentorem. 2. in mollietatem. 3. in viscositatem. 4. in lubricitatem 5. in fluorem. 6. in vaporem & tenuitatem. Verum inter hos esse infinitos, prout ex his miscentur. hoc experire in cera.

Est ergo tenuitas summa explicatio materie densitas summa restrictio, & ideo densa terminum non admittunt tangentis; quia adeo stricta sunt, ut amplius stringi non possint; e contra tenuia possunt impelli & figurari; ut patet in aere, & aqua, & ideo si humidum est, ut dicit Arist. quod non habet terminum suum, id est figuram, sed recipit alienum; ignis humidus erit, nam ut ait, omne molle est humidum, & omne tenue.

2. de gen. t. 9.

Et Arist. nesciens inuenire distinctionem sui ignis ab aere, posuit

F

illum

illum siccum, hunc humidum, cum tamen habeant expansionem molis. Scito apud Philosophos humidissimum esse aerem, mihi ignem: Galeno verò & Medicis aquam, quia Medici non rem absolute considerant, sed ad nostrum Corpus comparatam, & huiusmodi aqua est, quæ scilicet nos magis humectat, vel vaporosus aer nec humidum generat humidum, nec siccum siccitatem, sed re ipsa miscentur alijs rebus, & agunt materialiter, non actiue, ut calor & frigus, sed fiunt à calore & frigore.

Nec te moueat quod ignis generet siccitatem, ut ponas siccum, nullam enim siccitatem generat calor, sed latentem manifestat, quia non exsiccatur, nisi quæ sunt composita ex partibus dissimilaribus id est tenuibus, & crassis, & dum tenues humidæque, quæ minus repugnant sibi, ad se eleuat sursum, remanentium partium siccitas, quæ humidis portionibus tegebatur, ostenditur, ut patet in luto composito ex aqua & terra. unde calor aquam extrahens in vaporem sibi similem, remanet terra sicca manifesta, quæ sub aqua apparebat sicca, humidaque. at aquam non exsiccatur ignis, nec aurum similibus constans partibus, sed omnia facit liquores & vapores. res scilicet humidiores. ferrum indurat quoque partes tenues extrahendo, quas remanentes dum veluti insequantur, concresecunt in ens durius, & crassius.

Aristoteles probauit ignem esse ibi, quia fiunt Cometae ex exhalationibus accensis. sed ex hoc probatur contrarium. nam Cometae durant per mensem, & per annum, At si ignis ibi sub Luna esset, quamprimum exhalatio consumeretur. Volo ego fieri Cometæ ex vaporibus tenuibus copiosisque à luce Solis illuminatis, efficientibus comam in aduersa parte quando transuehitur lux, nam si vapor esset
ac-

accensus, nec semihora duraret, quamuis esset maior terra. Nam mors palearum durat uno die, si accendas in aere, & mons pulueris tormentorum subito in ignem absumitur tenuissimum, & inuisibilem, multo magis ergo absumentur exhalatio tenuis magis, magisque accendibilis, quam pulvis. Quomodo ergo durabit per tres annos Cometa qualem notat Auerr. ? praecipue qui fiunt extra tropicos, ubi exhalatio non subministratur ? secundum Aristotelem. Stella vero cadentes fiunt ex accensis vaporibus, dum eorum in se calor cogitur, & ideo parum durant, quia momento temporis absumentur. Sit reliquae impressiones ignitae, quae vocantur Caprae, & Dracones ex figura, quam casu habent dum fiunt. Notandum est quoque Cometam eclipsari per terrae umbram sicut Luna, ut hinc appareat esse lucis reflexionem Solaris.

Item Mathematici fieri Cometæ in Stella Iouis, & Mercurij notarunt, quo vapores dilati illuminantur, ut falsum sit quod dicit Arist. omnes sub Luna fieri. Mouentur Cometae ad motum cœli, quandoque videntur quiescere ipsis abeuntibus in orientem, quo porrecta est Coma, cœlo eas releuante in occidentem.

Aerem non esse elementum inde patet, quod non potest aerem generare, sicut ignis ignem, sed generatur à Sole. nec habet actiuitatem summam: nam esset calidissima, & nos ureret, nec aliquid generat, ergo &c. Est ergo aer omnis portio cœli, sed à frigore terrae oppugnata, & Solis calore refecta. Quicquid est supra nos cœlum est, quod sacrae literae etiam docent, & Sanctus Basilius aerem

in Hexaem.

negat. S. Basilus noster, & dicit per aquas quæ super cælos sunt, intelligi pluuias, quæ ibi fiunt, in scripturâ

Nego Aquam esse elementum. non potest aliam aquam generare. nec est maior terra decuplo, ut putat Arist. nec est frigida, sed calida. nam mare ipsum salum calidumque est per Arist. Vbi ergo est aqua elementum? Porro semidiameter terræ secundum Mathematicos, qui breuiorem faciunt, constat ex trib. millib. & quingentis miliaribus. nam longè maior est secundum Appianum, & maior secundum Alfraganum, & Plinium, at maximum mare, quod Arist. dicit, Sardum, Tyrrhenum, & Siculum mensuratū est nobis, nec ad octuaginta passus eius altitudo peruenit. detur unum milliare. Quid est ad tantam terræ molem? Item Terra habet diametrum, non mare, & maior terræ portio reperitur continuo. & mare serpit inter quasdam terræ cauitates, ne putes mare altum plusquam terra. nam obrueret ipsam à ventis impulsam. nec te fallat globosa aqua cyathi. illa enim se continet ne dissoluatur, & pereat. gaudet enim sui tactu. at si suffles, continuo effertur deorsum, mare autem non sic est; quia continuo exagitur.

Oceanus verò spatiosior est, at non profundior, ut metiti sunt contemporanei, & Arist. asserit. Nulla est maris ad terræ molem ergo comparatio. At dicunt Peripatetici à Sole factum esse paruum. alij à Deo, ne terram circumdet, & necemur, & fieri salum & amarum à Sole educente partes tenues, & remanentibus crassis combustis veluti calx & cinis & hypostasis urinae, & merdæ at secundum naturam sui deberet esse maius terrâ, & vnde quaque eam tangere: Item frigidissimum, & humidissimum.

At peto ego num semper sic fuit tantum, & quale nunc est, aut à
sole

sole factum est sic si semper fuit, ergo natura est tale & tantum. Quod
 .n. semper est, naturale est, teste Arist. 1. cœl. t. 10. & 2. cœl. t. 18. Et si di-
 cas, non contēdis cum sapientia DEI, & Nature, qui illud nō fecere ta-
 le & tantum esse debebat? Si factum à sole, ergo imminet periculum vt
 pereat mare, nam si adhuc venit ad exiguitatem talem, vt quoderat
 decuplo maius, sit millecuplo minus; Utq; deficiet cito, si incepit Mun-
 dus. Et si non, vt sentit Arist. oportet iam annihilatum esse, quia tem-
 pus infinitum præterit, quo in ipsum egit Sol. & multo magis nunc,
 cum mare non habeat summum frigus, quo se defendat, sicut in præte-
 rito habuit. & deficiente vno elemento Arist. ait contra Heraclitum,
 deficit Mundus, sed ipse est æternus, ergo &c. 1. phys.

Item nec potest à sole fieri tale & tantum. nam quot partes eleuat
 Sol, tot restituuntur per pluuias, & flumina, vt potius miremur cur
 non crescat quàm deficiat propter solem. Item non est verum, ipsum
 fieri salsum, & amarum partib. dulcib. tenuibusque elabentibus, &
 residentibus crassis, nam quæ remanent crasse attenuantur, & tenues
 restituuntur, & plures dulces, quàm eleuantur.

Item quantumuis coquas aquam, non crassescet, vel sallescet, vt
 fatetur ipse Arist. 2. de gener. an. c. 2. & Gal.

Item idē fieret in lacub. magnis, in quos magis vnitus Sol agit, &
 Aristotel. non acquiescens huic rationi addidit aliam, scilicet exhala-
 tionem siccam & calidam aquis pluuiatib. misceri, quæ decedentes in
 mare reddunt ipsum salsum. hoc peius est. nam nulla aqua pluuialis
 salsa est, nec ipsa australis, quæ est ceteris calidior.

Item exhalatio tendit sursum, non finit se deferri ab aquis.

Item ipsi lacus & cisternæ, quæ ex sola pluuiati fiunt, sunt dulces,

sunt & multa flumina salsa, teste Plinio quæ non possunt salsificari v^t putat Arist. Quapropter dicito mare gigni in profundis terra partib. Vbi terra fit liquida, nec partes tenues possunt abscedere, & ipsa exusta terra liquoribus mixta liquefit, ex q. talib. fontibus fit mare. nam aliæ aquæ sunt sulphureæ, aliæ salsæ in Apenninis, aliæ petrinae, quæ subito in petras concrescunt. & hoc aduenit ex naturali principio crasso, adustoq; vel non adusto fit ergo mare sicut vrina in corpore nostro, quæ salsa est & amara, quia calor suffocatus colliquans, quam adurit materiam, in vrinam agens.

In Calabria sunt minere salis. nam ipsi lapides fiunt ex terra liquefacta & indurata partibus tenuibus exhalantibus. Aquæ dulces gignuntur ex vaporib. terræ in cavitatib. condensatis, sicut in operculo fit oliæ, & exeunt ad orificium fontis vaporibus exeuntibus, & aquis sequentibus; sicut exit sanguis e vena sequens spiritum. fiunt in aere aquæ ex delatis illuc vaporibus, & spissatis, vel à ventis contrarijs, vel in seipso compressis, vel à frigore cogente. Ac ne putes aquas naturâ frigidas esse: oēs enim fiunt ab aëte calido ex materia calida spissata. & frigus quamuis spisset vapores, non potest illos priuare calore. nam ageret eos in terram sibi cognatam. Nec putes vaporem frigidum. nam eris contrarius sensui, & Arist. Et si enim fiat e terra vel aqua, tamen à calore fit transmutante terram in vaporem, & pro stabili, dura & frigida faciente mobilem, tenuem, & calidam. nullam enim dispositionem dat calor priorem seipso calore. tenuitas enim & motus ad calorem sequuntur. & inspicito laquearia balnearum, & opercula ollarum, & ibi videbis sola conspissatione fieri aquas absque frigore, vt hinc scias, frigus non eijcere calorem cum facit aquas, sed cegere & ligare ne agat. Item aqua omnis dilatat linguam si dulcis,

si salsa constipat, si insipida non agit propter similitudinem. nam simile non agit in simile ergo saltem calida est calore blando simili nostro. Præterea omnis aqua seruatur motu, & corrumpitur quiete, sed motus est caloris operatio. ergo calida est aqua, quod fatetur Aristoteles dum ait; stagnantes aquas putrescere, non autem currentes, quia harum calor motu seruatur. Item frigus destruit aquam, & pro humida, mobili, & fluida, facit siccam & immotam, dum glaciatur, & deinde calor iterum facit ipsam aquam & restituit ipsi suas conditiones. ergo naturalis est illi calor. Præterea aqua congelatur à frigore, & liquefit à calore, & eius natura est ut sit liquida ergo & calida. nam ablato calore congelatur. Item est tenuis & alba, quæ sunt affectiones rei calidæ. & si frigida esset in summo; nostrum calorem natium refractum epota exstingueret, nec posset ei addi frigus. Nec te moueat, quod nos infrigidet, nam etiam liquores herbarum faciunt idem, qui omnes sunt calidi: calor enim generat plantas & nutrit. frigefacit enim frigore externo, non nativo, & bene dicunt Medici ponentes res frigidas; quia quod minus est calidum magis calido apparet frigidum, ut manus sani febricitanti, & aqua tepens feruenti iniecta exstinguit feruorem. Medici considerant res collatas nobis: ego verò secundum seipsas. Nec quia exstinguit ignem, sit frigida. hoc enim facit aqua marina calida, & feruens, & vinum. non quia contrariantur igni: sed quia ignis accensus in lignis nutritur ex partibus tenuibus. ex poris attrahitis, cui si iniicias aquam obturantur pori, & suffocatur ignis. sed sunt ignes ex bitumine materia non porosa, qui in aquis ardent, ut docet Cardanus, & incendia magna nutriuntur aqua. Ad montes Arabiæ & Æthiopiæ sub calidissimo cælo in æstate magnæ fiunt pluuie, & tanto grandiores, quanto calidior aer, teste Arist. 1. Meteor. c. 13.

*4. Meteor. t. II.
& ibi Alex.*

Sed

Sed Aristoteles etiam probat quatuor esse elementa, quia quatuor sunt motus; duo sursum, & duo deorsum. Sed stolidus est, nam motus motui non est contrarius, sed quieti. & ideo duo sunt elementa, quia motus & quies sunt duae tantum operationes.

Item sursum & deorsum sunt duo motus non quatuor nam aqua etiam ad centrum tenderet, si terra esset forata, & aer ad Lunam. Sed dicito motum sursum esse fugam contrarij; & ad naturam regressum. Sed proprium esse mobilium naturam moueri in gyrum. quia quod naturam mouetur, semper mouetur nec potest sursum ire, nec deorsum. ergo in gyrum. Motus deorsum non est motus, sed impotentia ad motum, delapsus & casus.

Nam quando lapides & aqua sunt in aere, non habent tantum frigus, quod possit ea immobilitare, nec tantum caloris, qui possit mouere, & ideo cadunt in terram, a qua fulciantur. & hic casus est proprius materiae sibi relictæ a causis actiuis, & ideo cõcit at illam ppe terram ut finiat; quia odit omnem operationem, quæ non est frigoris vel caloris: ipsa enim per se operari odit, quod facit animal dum est in fine cursus sibi tristis. Hoc manifestum est quia carbones etiam accensi, & res quæuis naturæ calidæ dum non sunt exsuperatæ, deorsum cadunt. ergo non propter similitudinem terræ, vel sui loci.

Item non datur nisi unus locus; quia locus loco non est contrarius, & motus non fit ratione loci, sed contrarij fugæ, & conseruationis appetitu. Hic nota res grauidare deorsum & sursum. nam pila aeris plena & lignum in profundo aquæ, si teneas, videbis grauari manum superpositam sursum, & ignis tendens sursum, si quid apponas, eleuat sicut quæ deorsum.

Idcirco dixi graue & leue esse signa, non res: non magis enim grauat quod

quod vadit sursum, quam quod deorsum. Terræ puræ nullus motus competit. nam haberet tunc quo moueretur eius vniuersitas. Cælum vero mouetur propter calorem. Ratio quæ suasisit Aristotelem, vt dicat ab Angelis moueri, est inanis. ait enim, omne quod mouetur ab alio ^{8. Phys. c. 27. & scq.} moueri. ergo & cælum. hoc est verum de his, quæ mouentur v:olenter, & ab arte, sed quæ naturaliter mouentur, à sua forma mouentur. nam natura quæ est forma, principium motus est per Aristotelem. Nonne videmus ignem à se ipso suoq; calore sursum ferri? Dicit Arist. moueri à generante: Verum, aio, est motu generationis, sed non locali. nam generans mortuum est quando mouetur genitum à sua forma immediate, quæ à me esse agens dicitur. Quod dicit: ergo idem esset agens & patiens, edificans & edificatum, calefaciens & calefactum, in potentia, & in actu. Nihil obstat, hoc enim potest esse in naturaliter motis. at edificare & calefacere sunt respectu patientium v:olenter, extraneæ actiones. Hic nota motum diuidi in actionem & operationem: Actio requirit patiens; nam est effusio similitudinis agentis in patiens. Passio vero est eiusdem receptio. Sed operatio non requirit patiens separatū. Item Actio tendit ad finem, Operatio vero non, sed si finiatur, destruitur operans. Nā si ignē motu priues, & terram quietē, destruitur. Motus, qui est operatio, est actus existentis in actu. Sed qui est passio, est actus entis in potentia, & ideo terminabilis. Aduerte, vocabulo multos falli. nam quia dicitur ignis moueri, per verbum passiuum, putant pati: & tamen est operatio secundum rem, & passio secundum vocem. Sicut e contra intelligere est pati secundum rem, & actio secundum vocem.

Aio vnum esse cælum, quod & S. Chrysostomo visum est, & stellas moueri suo calore, & quasdam citius, quasdam tardius pro caloris diuersitate, & hæc est caussa, quare planeta inferiores videntur

moueri in Orientem, cum omnes ferantur in Occidentem. Aristoteles dicit Angelos inferiores imitari primum in mouendo; & tamen mouentur ipsi contrario motu. Vide ruditatem. Non datur motus rapidus, nec excentrici, aut epicycli, sed eleuantur, & deprimuntur plane te secundum accessum & recessum à Sole, à quo lucem participant maiorem. feruntur in obliquum; quia poli mundi non sunt stabiles, sed mouentur trepidando, modo in Austrum inclinati, modo in septentrionem, unde sequitur obliquitas inferiorum.

2. de gen. t. 41 Sed vnde regressi sumus redeamus. Nec probatur quaternitas elementorum à quatuor qualitatib. nam diximus humorem & siccitatem esse passionem materię id est dilatationem & constrictionem, factas à calore & frigore. Sed ait Aristo. res ex elementis quatuor componi, 1. ex terra; quia videmus res maxime in ea fieri. 2. ex aqua, quia aqua continet terram ne fiat puluis; item ait ex igne; quia ignis est causa nutritionis, vt patet in plantis, & nobis. aer autem est ubi calor est moderatus. Sed friuola omnia. primò vt terra consistat, non habet opus aqua: Sicca enim est; & siccum ex se suum terminum habet. aqua vero humida, sed humidum non habet terminum. quomodo ergò dat? Et si aqua propter humorem dat terminum: ergo magis dat aer, qui Aristoteli est humidior. Sed scito terram ex se consistere, at quando puluis ab aqua cogitur in glutinum, non est ille terra pura, sed factus est puluis à penetrante calore, & exire non potè, & ideò disrumpente terram in frustula minuta, nam de natura terra non est puluerem esse. Aqua vero compingit ipsam non quia humida est omninò, sed quia viscositatem habet, & admixta sicca terra facit perfectam viscositatem, vt apparet in farina. viscosum enim est humidum repugnans condensari, vel densum repugnans explicationi. Sufficit ignis ad res componendas & generandas

generandas è terra; nam ipsam colliquat, indurat, & attenuat; & ex
 his dispositionib; constant quæcunq; constant & aqua adest vt res fa-
 cta ab igne. Gal ait: terreis nutrimur, aquam bibimus, igne fouemur,
 & aere respiramus, ergò quatuor elementa. Sed ex hoc video duo; quia
 .n. non nutrimur terra pura, nec igne puro, video ignem & terram ef-
 se elementa. nam cum habeant in summo qualitates, si nobis appone-
 rentur, qui refractis conflagamus destrueret nostras, & in se conuerteret.
 Nutrimur ergò ex similib; mixtis, non ex elementis, & ideo aqua &
 aer elementa non sunt, quia nobis applicata à nostro calore exsuperan-
 tur, aer .n. calidus est, & tamen refrigerat nostrum cor, quia minus ca-
 lidus est corde, sic aqua. Hippocr. arguit: si vnum esset elemētum, vno do-
 lore doleremus, & vrico medicamento indigeremus. R. nunquid quia
 sunt quatuor elementa; dolemus quatuor doloribus? Ait ex comixtio-
 ne quatuor sunt plures. Ita dico & ego in nobis calorem generare va-
 rios humores per graduum & materiae diuersitatem, & pro partiū no-
 strarum diuersitate variari morbos & dolores, & medicinas. Susci-
 pit. n. elementum magis & min⁹. Item ait, sunt 4. humores correspon-
 dentes 4. elementis. R. omnes humores generari à solo calore seminis,
 & ideo oēs calidos in gradu suo, & alios in respectu aliorum esse frigi-
 dos, vt pituita respectu bilis. Item humorum pono species multas, & a-
 tra bilis fit à calore exuperante. Sc. Palpitationes & rigores fiunt vel
 debilitate spiritus, vel mordicatione humorum in venis vel oppug-
 natione humorum in respectu; nam omnis gradus caloris in omnem
 gradum agit, saltem ratione dissimilium subiectorum, quæ sibi augere
 volunt & ideo solus ignis & materia sunt in corpore nostro. æque ge-
 nerat calor partes & humores.

Sed ait Hippocr. iterum probantur quatuor elementa ex quatuor

l. de elem. ca. 9.

lib. de nat. ho-
minis.

anni temporibus. & omnia tempora fieri à Sole. Nam Sole obliquo fit
 hiems, quia languida lux ad nos venit, & simplex, & tunc frigus
 terræ praualet, & instaurat terram, quam calor æstiuus imminuerat.
 Accedente Sole fit ver, quia lux venit, & resilit ad angulos acutos è
 terra. Sole in Zenit, fit æstas, quia tunc in seipsam reflectitur directe
 lux, & duplicatur, itaque exurit. Ipso recedente languent quæ genuit
 adueniens, & fit Autumnus siccus, quia calor terram egerat in aerem;
 frigidus, quia frigus incipit sui instaurationem, & quia humores non
 exudant hieme abundat pituita absente sole, Vere Sanguis, quia ca-
 lor natiuus adueniente Sole augetur, & pituitam coquens facit san-
 guinem: æstate bilis, quia calor auctus à Sole, exsiccat sanguinem in bi-
 lem croceam agendos autumno atra bilis; quia adeo æstate egit Calor
 vt exureret tandem bilem, & nigresceret spoliata partibus tenuib. al-
 bis. Si darentur quatuor elementa, non posset fieri mixtio, nam si cor-
 rum puntur in aliud ens, fit generatio; si remanent, coaceruatio: si dis-
 gregantur in frustula minuta, erit mixtio oculis nostris non lynceis; o-
 portet autem mixtum esse homiomerum, inquit Arist. qui respondet per
 ambages in potentiâ remanere elementa, non autem actu; Verum ni-
 hil soluit: aut enim remanent formæ, vt ait Aphrodisæus, & sic erit
 coaceruatio. non enim fingi queat quo pacto quatuor formæ unum
 materie punctum informant, quarum quælibet cuilibet ex æquo opposita
 potensque est; tum idem erit terminus à quo, & ad quem, quod aiunt
 contra decreta primi Physicorum. Nec remitti possunt qualita-
 tes, & remanere substantiæ, vt putat Auic. eadem enim sequuntur
 absurda, tum vt arguit Auerr. ad remissionem qualitatum remittun-
 tur formæ; Nam si absq; alio caloris gradu forma ignis consistere va-
 leat, cum totius & partis sit idem iudicium; absq; vlllo etiam remanere
 potuit,

potuit, quæ ipsius etiam sensus testimonio reprobantur. Nec quidem formæ, & qualitates remitti dicende sunt, ut opinatur auerr. eisdem enim excipitur incommodis. eadem enim ratio impossibilitas formarum, aut impossibilitas formarum intensarum ad se mutuo, & remissarum in inuicem extat. Adde quod decretis Arist. repugnat substantijs intentionem & remissionem abnegantibus, licet nobis falsum reputatur. Nec fingat remitti elementares obignobilitatem; non autem mixtas; longè enim nobiliores, & potentiores in primis elementis vocatis formæ videri debent, quàm in cæteris, quæ ex his sunt, aut saltem similitudo causæ & effectus insinuare poterat.

Nec remaneant virtutes, & corrumpantur formæ, ut Latini asseuerant. Quid enim remaneat virtus, cuius forma, unde ipsa oritur, & uiuit, penitus interempta est? præcipuè quibus corruptio usq; ad primam materiam fieri videtur, nihilq; idem genito & corrupto remanere; tum negantibus, ut aiunt, migrationem accidentium? Præterea generatio erit non mixtio. Qui enim quæ perire & non sunt, sint in mixto mixta? Item elementorum alteratorum unionem Arist. mixtionem vocat, quorum quodlibet detulerat molem, qua cum resolutione separari queat, post ubi concordiam dissoluerint, ubi nullatenus in virtute, sed realiter manere, licet contra propria decreta doceat. Secutus enim aliorum doctrinam, quam si auertat ignorat, undiq; n. angustiat mendaciū. Item non possunt conciliari mendacia, quia suæ naturæ obliuiscerentur, nam sicut agit potens in potens elementum, ita refractum in refractum; ut nempe concordent. quod si vnum vel duo vel tria corrumpentur, non erit mixtio ex quatuor. Item quæ fiunt, aut in aqua, aut in aere, aut in terra fiunt, sed omne elementum in suo proprio loco corrumpit partem alterius elementi, & in se

de gen. t. 90.

conuertit. ergo &c. Item videntur in mari, & cauo terra fieri entia calida à predominio sine igne sublunari. ergo. &c. Item ignis ille, & aer non possunt misceri, & fugiunt mixtionem propter tenuitatem, nõ ergo datur, nec sensus eam vidit unquam, nisi à Sole fieri è terra res. Hinc fluctuant Peripatetici, & nesciunt &c.

ENS unumquodque agit vt se ipsum conseruet in esse quo est, (.imitatur enim DEVM semper ens, cuius est effectus.) Conseruatur verò in esse dum est, & operatur suam qua gaudet & viuit operationem. idèõ alterius entis contrariam sentiens, illud destruere studet, & suam indere similitudinem in contrarij entis materia, vt tuto viuat in suo. Hinc inotescunt actiones. calor. n. motu gaudet sua scilicet operatione, quã dum est seruat. idèõ sentiens ad stare terram frigidam quiete gaudentem, illam destruere exoptat, vt suam sedem constituat, & regnans frigus extinguatur, timet sibi ruinam, & idèõ omnis actio ad terminum tendit. nam cum è terra facit ignem, cessat actio ignis in terra portionem quã exsuperauit at motus est operatio, & nunquam cessat, quia eo viuit felix. Agit ergò calor è sole sese effundens ad terræ destructionem, & frigus ad cœli ruinam agit ab intima terra sese effundens. Et quia neutrum alterum vincere potest, media generantur entia.

At quoniam Sol longè terra maior est, viribusque robustior, quacunque generat, sua donat natura scilicet Calore. Omnia enim entia nostra naturã calida sunt. Sol enim ad terræ primam profunditatem penetrat, & eam in diuersa agit entia. at quia frigus & densitas resistit terrena nõ potest calidissima efficere sicut ipse est, nec tenuissima & albißima; consequens est vt det eis gradus medios, qui sunt inter tenuitatem suam & crassitiem terræ, & medios calores, qui sunt inter lucem & tenebras, & itidem motum: non scilicet rapidissimum, qualis inest Soli;

Soli; sed debilem, qui inest animali, atq; retardatum à materiæ terre-
 nae crassitie. Quamuis. a. solis calor sit præpotentior frigore, non potest
 tamen terram exurere, & in se conuertere, quia longè rapidissimo fer-
 tur motu, & nunquam eand. terræ superficiem respicit, & Calor q̄ re-
 manet Sole abeunte refrangitur à terræ frigore, & qui Calor remanet
 robustissim⁹, subito partem materiæ in se conuertit, & euolat ad cognata
 corpora cœlestia. sicut videmus in nostro igne, & in æstate, quando
 Solis calor magis exurit terræ superficiē, & laxat aperitq; , ut tendat
 sursum cū tenuitate, q̄ comparauit; & ideo terra in p̄fundo remanet
 frigidior, & aquæ frigidiores; q̄a magn⁹ calor subito facit exitum, ut
 labatur sursū. Qui verò remanet debilis in hieme, terrā transmutare
 nō potest, sed ad p̄funditatē cogitur, & læguet, at efficit aquas multas
 ex vaporib⁹ quos ibi gignit, ideo fontes abundant hieme, & entia mul-
 ta mineralia & succi, ex quib⁹ plātæ nutriūtur. frigus vero effunditur
 in aerē, & vapores æstate genitos, & entia calida in res sibi cogit co-
 git cognatas, ut in aquas, glaciem, crystallū, lapides & similia, & sic
 manet rerū circulatio. At non adeo potens est frigus, ut expellat calo-
 rem, & terrā efficiat, sed bene ut debilitet, & frangat, & mediū ens
 faciat natiuo calore p̄ditum, quē coegit frigus, & extremo frigore frigi-
 dum. Quamuis. n. fiat crystallum cogente frigore, non tamen frigidum
 ab intus est; eius. n. albedo, & transpauitas, facies opusq; caloris sunt
 natiui. frigus. n. nō ingreditur opus nature in compositione. Nec. n. po-
 test calor & frigus cōciliari, odiaq; deponere, ut ex ipsis tertiu⁹ ens in-
 trinsecè cōponant, cōtra naturā id esset, & profecto nō sufficeret calor
 sua p̄setia & absētia efficere generationē, & corruptionē, sed frigus o-
 portuit esse, ut retardet opera caloris, et fieret ex refractis infinite gra-
 dibus caloris rerum vn. uersitas pulcra ex tot reb⁹ diuersis. Nā si ageret

ex se Calor, nec obstarēt frigus; omnia subito efficeret tenuia entia, & Cælum. fit ergo rerum diuersitas ex diuersis modis agendi & gradib. diuersis ipsius caloris, diuersaque ē materia. Nam planam etiam terram videbis germinare diuersas herbas simul, quod non fieret, nisi diuersas caloris vires continuo susciperet. Nam matutinus Sol oblique illam respicit, & simplicem effundit lucem, at copiosiore magis directā sibi parti terrene, meridianus deinde alio pacto robustiori calefacit, & variat actionem sui ipsius matutini: item & effectus. & vespertinus tandem denuo obliquus contrahit calorem matutinum, & diurnum. itaque singula terræ particule diuersis ingrauidantur solis viribus. Adde quod absente sole per noctem eadem vires variantur à frigore oppugnante. Item nec plana est illa terræ facies omnino, sed fossiculis, monticulis consita, ob quorum distinctionem varias recipit vires; robustior enim est lux in valliculis, quam monticulis, quia vnitior. Adde quod montes magni & Valles magnæ ac planicies diuerso modo lucem excipiunt, & reflectūt. Item vapores cæli eandem variant, & diuersæ solis distantie, & Lunæ vires, & Stellarum: omnes enim calorem dimittunt, & tandem diuersæ terræ densitates, & tenebræ, & figura adeo caloris vires diuersificant, ut diuersissimæ res generentur, & eadem res in diuersis suis partib. diuersas temperies sortiatur, ut in nobis experimur.

Quoniam ergo omnia occulto viuunt calore, quæ nobis manifestius destituisse videtur, & varietas eiusdem cognita nobis est; remanet modus agendi cognoscendus. Cū agit calor, primum seipsum indit materię in quam agit, ut ipsam calefacere prius dicendum sit, & licet aerem videatur prius illuminare, quàm calefacere, id nobis videtur sic, quia visus celerior est ad suum obiectum, quam tactus noster, & ideo fallimur.

fallimur. 2. calor attenuat materiam, & quamuis videatur indurare, tamen hoc facit in re dissimilari, cuius partes minus siccas prius attenuat, quàm ceteras, & eas sursum eleuat. non enim libenter in terram anet calor: & ideo remanentes crassiores redduntur; quia earum crassities, qua tegebatur, humidis tenuib. portionib. illis priuata manifestatur. Sed scito calorem blandum esse magis aptum ad eliquandum quàm robustum in re dissimilari. nā quam attenuat partem minus repugnantem, eleuare non potest, sed miscet parti crassiori, & per illam hanc magis disponit ad liquefactionem & vaporem.

Calor vero robustus eleuat subito partem attenuatam, & remanentes crassescunt. Ideo melius assantur carnes in blando igne quàm in imo, Et metalla multa, & lapides non colliquantur nisi moderato calore. At entia similia quouis calor colliquat, sed robustus magis. postquam res facit tenues, efficit albas calor. Verum si nimius est, qui elabi possit, facit nigras nam educendo tenuitatem, in qua est calor, & albedo, crassæ portiones suam duritiem & tenebram ostendunt, ut patet in pilis iuuenum, & populis australibus, qui nigriores sunt, & sicciores & calidiores. Senes vero & boreales albiores, qui & succi pleni & frigidiores ad nos collati, propterea quod eorum blandus calor tenuitatem non educit, qua ideo remanent carnes albæ tumideq;. Postremo mouet calor rem attenuatam; quæ enim tenuia non sunt, moueri nequeunt. quapropter spiritus tenuis in nobis mouetur modo, non alia partes nisi ab eo agitata. Itidem & liquores egrius mouentur; quia calorem crassities obtundit. At est ubi videas moueri res nigras, ut fumi, quorum facies à calore nondum est obtecta. Verum illud tene, se primo rebus indere semper calorem; ideo res omnes calidæ sunt; quia terra non nisi à calore immutata fiunt. Nec mihi obijcias Opium &

Cicutam, quæ suo frigore calorem nostrum à Medicis necare putantur, sicut & papauer obtundere &c. Non enim frigore nos occidunt, nam venenum mortiferum magis esset nix, quam bibunt Neapolitani, & nihil detrimenti huiusmodi patiuntur, & tamen longè frigidior est quàm cicuta. Sed puta *cicutam*, fungos, & similia multis crassissq; constare vaporibus, qui è ventriculo elati & cerebri cavitates subeuntes replent, & nervos obstruunt, ac spiritum suffocant, & in aquam conuertunt. Nam & vinum ipsum naturâ calidum Medicis, non minus quàm papauer inducit somnum, quod vaporum copia vtrumque facere necesse est, quib. digerendis dum occupatur spiritus ab extremis partibus refugit, & fit somnus.

Somnus enim est unio spirituum in sua vniuersitate. At videmus *cicutam*, opium, & papauer calore gigni, ut qui ea dicit frigida, indigeret sensu. Nivem verò calidam esse intrinsecè assero; alba namq; est, & albedo facies veluti demortui caloris est à frigore ligati ne agat. Videmus autem ipsam excacare oculos albore suo. ideo Xenophontes socijs secum è Persia redeuntibus velum nigrum apposuit, dum per nives ambularent, videns eorum multos excacari. Albedo enim disgregat visuos spiritus, disgregare autem opus est Caloris rarefacientis. Item nix fermentat terram, & germinare facit, quod caloris blandi est opus, & annus nivosus fertilis est. Fit autem nix quando vapores multi calidi, albiq; sunt in aere, & boreas spirat. Tunc enim frigori externo calor vaporum vult resistere, & frigus vult condensare, itaq; succumbente calore nimio frigore, at non omninò, gignitur nix paullulum congelato vapore, & paullatim veluti in lanam actò. Et salsa nix ideoq; calida visa est gigni in Apenninis ex vaporibus è mari sublatis, à frigore subito correptis. Grandines verò non temporibus frigidis, sed

sed calidis, & verno tempore fiunt, & locis quoq; calidis, precedentiibus tonitruis. Nam fiunt ubi copiosi vapores in cælum eleuantur, & bene calidi, crassi q; , qui cum in se ipsos concurrerint, calor sentiens se constringi, eorum unione roboratur, & partes tenues sulfureasq; accedit, cuius luce fit fulgor, & scissione crassorum vaporum tonitru. Cui a. elapsi fuerint vapores tenues accensi qui remanent crassi, dum veluti elabentes insequuntur à quib; separari nollent, in durum concre-
scent ens glaciaturq; prius quàm in aquam, & ideo post tonitrua fiunt grandines, vel aquæ crassæ. Magis autem in Euganeis montib; quo progredi à montibus prohibentur ulterius, maxima copia vapo-
rum impellitur è sinu Adriatico, qui tenuissimum abscessu partium conge-
lantur, & ideo cum impetu, & subito cadunt, & fruges prosterunt. At calorem non perdunt licet in glaciem agantur partes crassæ nubium
priuatæ calidis tenuibusque. remanet enim internus, sicut albedo, & transpauitas earum docet, ideoq; diaphani sunt vt vitrum, quia calor earum molem omnino superauit; attamen frigore externo correpti frigi-
di apparèt tactui calorem enim sub crassicie, & frigore latet. Itaq; & lucem admittunt. ipsi enim tenebræ solæ obstant, quæ ibi dudum ex-
superatæ fuerunt. Fulmina autem quæ fiunt in cælo ex copiosioribus crassisque constant vaporibus, qui tenuissimum abscessu partium com-
pacti in lapides vel metalla concrefcunt, quo etiam modo in terra fiunt lapides quidam. Omnes enim lapides speculares è vaporibus
fiunt, quorum facies à calore est exsuperata in cauitatibus terræ, de-
inde condensatis vel à frigore diurno, vel abscessu tenuissimum partium à calore. sicut in nostro corpore fiunt lapides in renibus, & vesica, & in iecore, vt vidi in bouino. Qui sunt lapides transpauici & nigri, fiunt ex materia etiam liquida, deuiatq; à calore, vnde diaphaneitatē ser-
uant,

uant, Verum profusâ aliquo nigro liquore, Sufficit enim nigredo pauciliquoris. ad inficiendum album liquorem multum; Videmus enim cyathum vini rubri rubram facere metretam vini albi, & stillam atramenti cyathum aquæ atrum reddere. rubra enim nigraque crassa sunt, & eorum crassities resoluta à tenuitate vini albi vel aquæ diffunditur, & infectat. Lapides alij fiunt ex fluore terræ à calore suso, deinde à frigore stricto, vel tenuium abscessu, & ideo vides sæpe inter lapides lapillos, paleas, & testam conchyliorum fiunt lapides varij coloris ex multis liquoribus à calore eductis, & eorum perspicuitate, & materia tenebrâ in varios colores actis. Verum quidam sunt è materia uniformi, quidam difformi, quidam mixta speculari ex te. Nam essem prolixus descendere ad omnia metalla; aliâs declarabo, & in libris meis dixi.

Ex eiusdem generis viscoso fluore, in quo tamen partes insunt tenues, & ideo extra superficiem terræ exsudante fiunt plantæ. Non potens enim vapor in altum attolli, quia fluoris crassitie tectus est, ipsum etiam fluorem educit sursum, & concrescit in plantam. Itaque plantæ vere fiunt, quia tunc calor solis blandus adiuvat eorum spiritum, ut sese extollat. At semper crescunt; quia Sol appropinquans continuo iuvat. At quæ magis sunt spirituosæ plantæ, perforatæ sunt; quia dum liquorem terræ subit spiritus, & eleuat, ipse copiosus in medio consistens, foramen facit, & hæc æstu exsiccantur, ideo accelerantur fructus. pergrandes, crassæque minimè, sed desinunt crescere calore earum ita aucto, ut quot partes ipsis adgenerat nutriendo, totidem foras per vaporem emittat. fiunt & Autumno plantæ, quia calor moderatus, qualis requiritur ad earum generationem. tunc autem vires adimit frig° hie-
mis, tum æstus. ita non augentur. Sed deperduntur frigore cogente calorem

lorem ad radices, & ideo folijs cadentibus, earum tamen arborum quę viscoſo non conſtant humore in ramis. Scito plantas conſtare ſpiritu ſenſitivo, obtuſo tamen, alias non diſcernerent in radicibus cibum bonum à malo, Unde non ubique omnis arbor poteſt naſci. Sunt animalia immobilia, quia ſufficit terra liquida eis ad cibum, ideo motu nõ habent opus. Quę enim mouentur animalia lautiori indigent nutrimento, ideo motus eſt eis à natura datus. Habent manifeſta membra, ſcilicet ramos, habent fibras, & neruos ſpiritu plenos. coquunt in caudice nutrimentum, ſicut in ventre. radices ſimiles ſunt ori, quales ſunt in nobis venę meſaraicę. folia habent & ſpinas ad deſenſionem fructus, in quo ſemen faciunt, & circumdant pulpã (quam nos comedimus) pro nutrimento tenuiori ſeminis, & tutamine à calore & frigore. Dicerem multa, ſed &c. Plantis affinia ſunt conchylia, & oſtreę marinę, quę fiunt ex fluore viſcoſo pleno ſpiritu inter teſtas enato. fiunt teſta ſicut lapides &c. Mouentur hæc animalia dilatatione tantum, & conſtrictione, qua opus habent ad cibum ex marinis excrementis hauriendum. In terra his ſimiles quę limaces dicuntur, & teſtudines motu progreſſiuo præditę, quia nutriri ubiq; non poſſunt, & fiunt è liquore in extremis indurato & intus viſcoſo, & tenui conſtant ſpiritu.

Scito ergo animal omne fieri, ubi calor tenuem ingen erat ſpiritum, qui elabi non potens è craſſicie, in cuius medio gignitur, eam efformat ad ſui ingenium: Ita quę ſentiens à contrarijs ſe ſuamq; domum oppugnari, & calore proprio reſolui, fingit ſibi organa apta ad ſui nutrimentum & vitam. Quicquid ergo eſt in animali, propter talem eſt cauſſam. Nam pedes fiunt ad querendum cibum, & fugienda mala. & qui ſpiritus teguntur mole uniforni, & molli, efficiunt ſibi oculos

ex membrana dura, molliq; ad progressionem aptos dum constringuntur & expanduntur. Quoniam spiritus ipse inditus corporeus est, & ex eadem materia effectus, qua sua domus scilicet corpus, eisdem opus habet refectionibus; ipse enim suus calor consumit illum foras educendo & corpus depascendo, in tenuitatem inuertendo, ideo cibo indigent apto ad sui refectionem, & hanc ob causam efficit os, unde hauriat, ventrem ubi digerat, iecur ubi diuidat per corpus totum, cor ubi attenuet, & in spiritum agat, caput in quo resideat eius vniuersitas, & haec omnia prouidet. Quicquid ergo est in corpore, instrumentum est spiritus animalis in cerebro residentis, qui per nervos discurrēs, totum quo vult, agit corpus. At quoniam dum tangitur spiritus cognoscit quod sibi est bonum, & malum. Nā si sentit se seruari, bonū iudicat; si destrui, malum; ideo ut possit proficua & nociua sentire tangendo, quaedam sensus organa fecit. Nam si omnia tangeret, destrueretur, ut patet in tactu ignis. Quo longē cognoscat, specularē instrumentum scilicet oculos effinxit, ubi à luce ex remotis rebus exsiliēte tangatur, & illa mediante cognoscat. & quia non semper lux adest, nec omnia sunt visibilia, effinxit auditum, ubi aerem motum sentiens, mobilis praesentiam & vires dignoscat. Et quia multa oculis & aure utrum sint proficua non dignoscuntur, nam demonstrant calorem, sonumque similem bonis; ideo effinxit nares, unde percipiat odorem, qui rei tenuior est substantia, ex qua spiritus nutritur, num bona res sit antequam ore capiatur, an malefaciat. In ore tandem fecit spongiosam linguam, per cuius poros intrinsecam sibi faciat rerum substantiam, & cognoscat certissimè. Attamen vnus est sensus, qui tactus dicitur, sed diuersa instrumenta tangendi modis diuersis. Sic igitur ut dictum est, omnis animalis procreatio absoluitur.

Non

Non lateat autem dupliciter fieri animalia. Alia enim sponte oriuntur, ingenito à Sole spiritu in crassa mole, quæ tunc fieri maxime contingit, cum entia nostra putrefieri inceperint.

Internus enim calor ab externo adiutus exhalare paratus, & impotens, tegmentum sibi è crassa mole constituit; itaq; carnes, & quæcunque similia animalia calorem obtinent, æstu putrescere, & in vermes transire magis promptiusq; quàm hieme videas. At ubi generantur similem utero locum ea sortiri necesse est, ut in carnibus, fructib⁹, & recenti caseo experiri licet. Quæ verò è pluribus constant portionibus, dissimilaribusq; plurimo indigent tempore ad sui constructionem, quales sunt equi, homines, & elephanti, ceteraq; huiusmodi, nequaquam sponte oriri queunt. Ad constituendum namq; hominem, novem spacio mensium solem suspedere vires oporteret similes humanis: quod si efficiat ubi directus est, oporteat ubi abest omnia frigore perditione nec in medio fieri proinde homo poterit, ob extremorum continuam valentemq; oppugnationem. Itaq; naturâ prouisum est post prima quæque animalia perfecta, similia ex illis nasci. Nec valde probo quod quidam sumpto argumento ex siluestribus hominibus, item ex Nili incremento, ut Diodorus inquit, ubi ex plurimo luto quasi perfecta fiunt animalia; dixere quibusdam temporibus sponte homines ortos. Quod Plato & Auicenna & Lucretius contendunt. Nullus. n. sensus usq; id cõperisse iactabitur, meliusq; pijs hominib⁹ qui rerum perfectarum originem ex Deo faciunt, credendum est. Quod enim post vniuersale diluvium attestantur, eluditur nedum à sacris literis, verum ab Albumasare, Auerroe, Hieron. Aegypcio, & alijs multis historiarũ scriptorib⁹.

Cum igitur in uterũ muliebrem masculi semen immittunt, totus contrahitur uter⁹, ut dulcore fruatur, & veluti marsupium crispis intertex-

tum

tum rugis inuoluitur. Itaque semen calore uteri excitum bene tenuem vertitur in spiritum partib. in tenuibus, dissimulare namq; est ex crasso molliq; constans corpore, ceteraq; portiones in riuulos defluunt, alie in viscosiores & minus foratas, alie in foratas magis, alie denique in præduriusculos abeunt riuos, & ideò discretos, & intermedia viscositate unitos. hi sunt ossa, priores venæ, arteriæq; primi vero nervi. Unde autem deduci cœperunt, principalis seminis portio est plena spiritu, quæ eos deduxit canales, protrahi, dilatariq; volens, ibi itaq; ampullæ fiunt effugere volentis spiritus, & impotentis, qui in extremo indurata amplius omninò caput componunt.

Amplius per canales deductus spiritus formationis initio, ex muliebri semine, quod liquidius est & proinde aptius ad nutrimentum, instauratur. Calidus enim naturâ cum sit, in summam tenuitatem actus exhalat, ideò quibus reficiatur rebus, tunc temporis opus habet. Auctus deinde ex cornibus matricis, quo venæ ab epate pertingunt, quoq; semen ipsum alligatum est, veluti radices habens sugit hauritq; puriorem sanguinem. Qui quoniam primo ceciderit ex vmbilico præfatis cornib. immisso in epatem vertitur, rem profecto rubram, sanguineamq; quæ nihil aliud, quàm sanguis concretus videri debeat; proindeque fons sanguinis ibi constituta, unde per venas, quæ ibi latiores factæ sunt ad hauriendum, ipsum ad omnes partes corporis irrigandas adducat. Quoniam verò ex crassiori, qualis iecoralis est sanguinis spiritus tennes fieri nequeunt, oportuit magnam eius partem propius capiti, spiritus nimirum vniuersitati afferre, quæ ibi amplius incallescens in præduriorem concreuit carnem fibræ arteriisq; ex capite delatis immistam, & fontib. quibusdam donatam, ubi deficiente cibo ad spiritus refectionem, sanguis seruetur, qui vltèrius elaboratus in tenuitatemque

temq; inuersus ab ipsa, quæ cor appellatur sursum per tenuem canalem effertur, & in retiformi magis incalescens, in tenuissimum qualis est, qui capiti inest, euadat spiritum. Spiritus autem ibi inexistens per nervos delatus, quos chordarum ritu extendit, intenditq; motum corpori, sensumq; præbet exquisitum. Omnis enim corporis portio sentit, at non omnis sensatio ad spiritum animale peruenit, nisi quæ ad vitam necessaria est. Idemq; per arterias deductus motum arterialem, qui pulsus dicitur, efficit: In corde verò dilatationem, & constrictionem, prout ad hauriendum sanguinem, emittendaq; excrementa opus habet. Itidem in Venis quouis sanguinem trahit.

At quia ubi natus est, uiuere diu non poterat, ex iisdemq; refici sanguinibus, quin auctus solidiori egebat cibo: vasa sibi ordinauit, quibus illam similem coquendo efficiat & foramen, quo ab externis accipiat deficiente Umbilici usu. Hoc os, illa Ventrem & intestina nominamus; quæ vero ab ore ad Ventriculum pertinet, æsophagum. Quemadmodum enim in genitore spiritus operabatur, agebatq; operatur, agitq; in genito priorum actuum seruans ideam, cum præsertim non in alienum, sed in simile transierit ens. Sicut ergo ibi intestina, os, stomachum & similia gubernabat, eisq; gubernabatur, ita eadem hic efficit. Eadem propter adiumenta fit quoddam inuolucrum intestinale ex semine tenui, viscosoque, velut Galeno videtur, ex muliebri spermate, ex quo etiam fieri queat externa membrana, quæ fœtum contegit, quam secundinam vocant, & Hippocr. expertus est in puella psaltria.

Cartilaginem quoque ex eisdem fieri necesse est rebus, ex quibus fibræ, neruique, & tunica præcipue quæ caput interius tegit, & ad oculos egressa cornea appellatur; & in thoracem ingressa septum transuer-

sum, siue diaphragma: diuidit enim cor ab epate. Similiter autem & quæ in abdomine expanditur, & intestinum, quod in sex portiones reuoluitur è ventriculo vsq; ad extremum alui, complectitur. Qui verò sanguis per venas, arteriasq; effertur ex illis exsudans, in carnem concrecit, quæ sanguis amplius concretus tenuib. exhalantib. partib. videri debet. tenuior verò pars, albiorq; in sebum & adipem vntuosam, albamq; & facile accendibilem rem inuertitur. Excrementitiæ partes, impuræq; in pilos, & emissiones narium, oris & oculorum.

Postquam constitutio fœtus absoluta fuerit, ipsum ex utero proficere necesse est. crescens virtus amplius claudinequit nec sufficientem deposcens cibum quouis labore exire contendit. Itaq; quæ animalia citius complentur, citius veniunt ad lucem, quæ tardius, tardius. Homo autem septem spacio mensium, & octo, & nouem & decem, & quandoq; vndecim absolui potest. Nec quod inquiunt de octimestri partu verum apparet, nulla enim ratio est cur non viuat ille, qui autem septimo mense egreditur maxime viuat. Quod Astrologi dicunt octauum mensem dari Saturno, qui corruptor est, voluntaria est opinio fabulosaque, suoque testimonio conuicta. Dant enim Saturno mensem primum, ubi plurima virtute adiumentoque fœtus opus habet: cur autem tunc non occidat, sed dator vite ponatur, nunc verò sic, nulla ratio reddi queat. Omitto quod Abraham Auenexra & Astrologi priores Saturno intelligentiam beneficam datricem vitarū dicāt. Credo equidem multos fœt^o & septimo & octauo mense mortuos, at non rectè adnotatum: itidem & viuos remansisse, sed fœmellas esse deceptas, vel qui sapientes videri velint eis non credidisse, quod & Speronis Dialogus adnotauit. Differentia maris & fœminæ ex inopia copiaque caloris fit. Quando enim fœtus abundat calore, propellit foras

genitalia, & mares facit, ideo ut plurimum in dextro fiunt latere, mirum calidiore. Et qui mascula fieri animalia procurant, genitoris testiculum sinistrum ligant, ne eius vis fluida, sed solida dextri modo egrediatur, teste Galen. Vbi potestas caloris est exigua circa pudenda, minimè ea emittere potest, itaque intus remanent inuoluta, ea enim masculini foeminiq; genitalis differentia est, quæ inter digitum chirothecæ intus inuersum, & extra protensum. Nam & Gal vidit foemellam natam marem euasisse, præterq; quod Anatome doceat, & temporib; nostris accidit foeminam marem factum, foecundumq; itidè genuisse alios, & vidit Jul. (æf. Tufus. & qdā Posthum^o nomine in Nursia, foemina natus mas est effectus. Fallitur maximè Arist. putans ex prædominio viri aut foemine sex^o diuersitatem fieri. nam masculi multi, ut vidi similes matrinascentur, & patri foemina. Similitudinem autem ex dominio fieri vtrouis, nemo neget. In promptu quoq; videmus, ne Plutar. dubitet amplius, mares calidiores nam dentes exsertos, cornua, pilos prius quam foemina emittunt, calore ad externa sese effundente, item fortiores sunt, rugosiores & nigriores, quod caloris abundantis est opus. Falsum omninò arbitramur foeminas non emitte re semen, ut putat Arist. nam testes habet interius, & cum dulcore iaculantur, & qui concumbunt, in præputio emissionē sentiunt, & plures viduæ manibus contrectantes illud emittunt, ut docuit facere nimio semine laborantem Galenus. At hercle minus calidum semen habent, minusque crassum, ex quo foetus formari queat. ideo quedam emittere non videntur. & si verum est, quod quedam dicunt se ingrauidatas præter dulcorem, possibile esse dicimus viri semen adeò abundare, ut ex eo oēs partes albæ ex sanguisq; fiant, ut dixim^o. Quæ Auer-
2. collig. ca. 10.

traxit semen matrix, ita iucundata est, & titillatione excita simul emittere potuit, alias fabula est.

Ab surdus est quod ait Arist. semen maris non cedere in materiam foetus, sed ibi positum semen virtute patris organo dstringere menstruum muliebre, quod tunc temporis post conceptionem non emittitur; ut inde formetur, ut ait, nutriaturque genitura. Cum vero coniectum fuerit semen in uterum, adeo os uteri occluditur, ut gaudeat eius tactu, quod nec stilus quidem, ait Auicenna. ingredi queat, nec usquam aut per crepitum, si vertitur in flatum, ut dicit Averroes. nec per fluxum, ut testantur feminae, egredi visum est semen. At profecto semen virile crassum exangueque & album est, & tale quale requiritur ad ossa, nervos, & cartilagine efficiendas, & sine ruptionis periculo forari queat; menstruum autem impurum, vitiatumque, ut alienissimum sit, Naturam, quae nihil agit frustra, semen quod bonum est, ad foetum efformandum renuere, menstruumque vitiatum accipere. Quod si adeo malum est, ut anima feminae potens vigenique non valeat ipsum in nutrimentum convertere ipsius foemella, ideoque singulis mensibus reprobat; multo acrius a seminis virtute, quae anima non est, sed languida patris motio Aristotelis, tam bene in rem adeo nobilem verti queat. praeterea tam cito quam testatur Hippocr. in puella psaltria spacio scilicet sex dierum post conceptum efformatum vidisse. Item si menstruum datum canibus rabiem parit, vites novellas exsiccat, ferentem alium si supergrediatur abortum facere facit, nec concipere femina menstruat a potest, vel si concipit, vitiatum aut leprosum parit. Quare minime putandum est ex eo tam gracilem, puramque rem exordium sumere. Retinetur autem non ad hoc, sed ne exiens foetui obsit; tum quia ex alimento purioris sanguinis foetus alitur,

tur, qui proinde famina & ipsi deest, ideo elaborat menstruum pro nutrimento, at non potest adeo, quin malè afficiatur ab illo. Ideo grauidæ patiuntur mariscas, pallores, deliquia, comitiales morbum, & similia. Fictitium quoq; est semen patris animâ carere, & ex vitiatò semine educere. Quo enim pacto ex tam peruersa re tam bona egredi queat? Tum nec semen si in anime est, rem animatam faciet: at putandum est ipsum deferre sicut partem spiritus paterni, à quo impellitur. Quod autem dicit Arist. nec primo, nec secundo actû semen habere animam, sicut Geometra, qui nec habet artem Geometriæ, nec geometrizat, sed à motu patris recipere virtutem mouendi animandique menstruum, sicut virga à manu mota retinet diu motum; ipsum Arist. damnat, non enim motus augetur absente motore; nisi forma motrix impressa maneat; nam & virgæ ipsæ dum tangantur robuste agitantur, at postea motus earum decrescit, deperditurque. Itaq; si pater in motu concubitus animam excire non potuit, creareq; nunquam semen ipso absente id faciet unquam, cuius nimirum vis in occasum vadit. oportet ergò animatum dicere semen, ipsumq; in foetum edere corpus. Quod inquit Arist. idem agens, patiensque non esse, verum est eiusdem partis respectu, at tenuis calor spiritusq; eius agit, moles autem vertitur in foetum, sicut seminis fruticum vis aucta calore terræ feracis, propterea semen in folia & truncos extendit, alienamque materiam haurit adeorum augmentum. Quid rationes logicæ cum physicis? Falsitatis conuincitur idem Arist. qui semen in masculis non præesse, sed motu concubitus fieri putauit. In dissectionibus autem spermatica vasa referta semine & testes videmus: Quia ante concubitum repletos sentimus contrectantes; postea verò prolixos vacuosque. Item noctu sine motu emittimus somniâtes, & passeris ipsi & gallina-

1. de gen. an.
cap. 2.

cei pulli subito concumbunt, ut tunc fieri semen non putes. Illud etiam stultum est, in nobis quoque; feminam materiam tantum afferre, quia gallinae sic evenit, & insectis quibusdam, quorum femina in marem articulum inijcit, & piscibus, quorum mas ova edita suo semine conspergit, ut procreent. In quibusdam. n. feminis multum est semen, materia earum tantum requiritur sola maris virius spiritusque, quia calidi mares parum excrementi obtinent; in nobis autem non sic. Sed ex illis probatur spiritum maris necessario requiri, non autem menstruum femina. nam & canes non habent illud; & gallinae ova in album, rubrumque; distinguuntur semini sanguinique respondentia: Quod semen sanguis est calefactus, ampliusque elaboratus in testibus. Nam & errat valde Arist. putans testes esse natura datos, ut pendentes vasa aperta teneant, unde semen effluat; sunt enim ut coquant semen calore suo. nam sanguineum est antequam ad illos pertingat, parumque alboris habet. Et spadones qui Arist. veluti feminae apparent, nam calore testium priuati in feminas veluti aguntur, declarare poterunt testium usum esse calefacere. non. n. pilos emittunt, nec vocem in obtusam mutant, quae opera caloris sunt. Item ipsi emittunt semen, sed non fecundum. & multa alia intus testes habent non pendulos ad talem usum; quod nos feminis inesse videmus. intus enim habent, & in vterum non foras semen emittunt. elaboratur ubi nimirum masculino commixtum in genituram transit.

Similitudo parentum ex seminum virib. est spiritibusque; aliorum, casu; non ob imbecillitatem, ut putant Peripatetici. nam multi fortes patrib. matribusque; dissimiles nascuntur. Sed ex uteri calore & seminum mixtura fit temperies. Sapientes plerumque; hebetes generant filios, quia spiritus capitis per medullas non diffluit concumbentium in coitu,

sed

fed ad specularandum actus remanet, ideo testicularum emittunt tantummodo spiritum. Ignari autem omnem capitis spiritum non occupatum aliis curis iaculantur, qui melior est eo qui testib. doctorum inest. Possunt imaginationes interdum efficere similitudinem qualis apparet in foetu desiderantium foeminarum, ut in I. Philosophiae libro diximus. Quoniam vero exiens animae ex utero, nutrimento indiget, efformavit ad hoc vasa. Ingreditur enim per oesophagum in ventrem, ubi incalescens inciditur, & liquor fit chylus nuncupatus. Deinde mittitur ad intestina inuoluta, quò attingunt venae quaedam mesaraicae dictae: Nam veluti arboris radices exugunt partem puriorem, liquidamque, quae remanet, ad inferiora commiffione spiritus educentis emittitur, pura ad epatem ducitur, ubi elaboratur in sanguinem purum; & excrementum magis calidum in vesicam felleam excernitur; aliud aqueum in renes ubi colatur in vesicam vrine; purior pars in venas educitur, unde exsudans in carnem concrefcit, alia diffartitur cordi, ubi in spiritum attenuatur melior pars, alia in nutrimentum spongiosae pulmonis, alia in arterias abit ad irrigandos animandosque artus. Spiritus in caput, unde in totum corpus effunditur, ascendit, ubi sicut in arce residet. At pars exusta sanguinis ab epate in lienem segregatur, ex qua ad ventriculum vena deducitur, ut cum vacuatur venter, atram bilem immittat, ex cuius mordicatione animal excitatur ad appetendos cibos, ut repleatur quod male habetur. Quapropter falsum est, quod dicit aristoteles famem calidi, sicque appetitum esse. nam cibi etiam frigidi appetuntur, nec sitis est frigidi humidique. Sufficit enim res humida ad coquendum cibos: frigidus autem potus requiritur oborsum. nam plurimi populi calida potantur aqua, & Romani, Graecique prisci
in

in delicijs calidam bibebant potionem, quod Tacitus in morte Britan-
 nici, & Aurelius Sextus in Tiberio, quem Caldium Biberium despe-
 ctive ob hoc nuncupatum dicit, & Martialis, & Athenaeus &c. Quae
 pars in spermaticis venis subest eorum calore albescit, nam & omnes
 partes albae, & ex sanguine iisdem partibus nutriuntur. Inde fabricato
 corpore post annum 14. in testes descendit, elaboraturque ad prolem.
 & spiritus suo calore mordicatus egredi contendit, appetitque coitum.
 Platonem, cumque secuto Galeno visum est, tres spiritus, animasque in-
 esse animalibus, unam appetitoriam, quae curet, velitque cibos, in epa-
 te eius sede; alteram irascibilem, quae vindictam parat, regnaque ap-
 petat in corde; tertiam consultoriam, quae in cerebro residet, decernit-
 que quicquid ratione faciundum. Mihi autem hac non probatur opi-
 nio. Videmus enim omnes animalis operationes, actionesque ab una
 edi anima, quae enim appetit cibos bonos, discernit à malis, & non ni-
 si plurima quaerit industria, & cum coquit exiguos, exiguo utitur ca-
 lore, & cum solidos, nimium veluti peritus coquus applicat calorem
 Item nisi sentiat, ut putat Galen. nunquam bonum à malo discernat,
 nec excrementa expellat, puritatesque retineat. Item coitus, qui est
 eius, rationis est, fit enim ob generationem, & perpetuitatem in simili.
 Nec appetit nisi pulcras, quod apprehendere rationis est valde. Ipsa
 quoque ciborum partitio summae rationis est secundum enim cuiusque
 indigentiam in venas immittit. Quae vero animosa dicitur, rationalis
 & ipsa est. non enim honores appeteret ob luxuriantem conseruationem,
 nisi rationis esset. Item nec vindictam parat, si quis laeserit, nisi
 sponte fecerit, & si supplex petat veniam, facile parcat, dum se contem-
 tum esse non iudicat. est enim percipere contemptum partis imaginati-
 uae, veluti non ens percipientis. Haec contra Platonem, appetitoriae, a-
 nimo-

In Tim. & 9. de
 Repub.
 De plac. Hip. &
 Plat.

nimos sequer rationem auferentem; nam contra Galenum, qui sensum etiam illis subtrahit, maiora sunt argumenta. Qui enim obedire queant rationi, nisi rationales sint, nedum sentientes? nam bonum sequi, & malum declinare videntur. quod si à se efficiunt, sentiunt illa si verò insus rationalis. ergò eius præcepta cognoscunt; nos enim obedimus ijs, quos præcipue nouimus. At communis ratio est unus spiritus. Etenim videmus unica corporis parte laborante, omnes alias languere, & vna agente, alias suas actiones edere: quod sanè signum euidentis est unum esse spiritum omnia operantem in partibus omnibus, nec potentem diuersis actionibus simul vacare. sed oculatim nouimus, spiritu speculationi vacante post cibi assumptionem nihil belle eum coqui posse, ut manifestum sit eundem sentire, ratiocinari, & coquere.

Nam & patiente ventriculo patitur cerebrum, sic etiam coeuntibus caput exinaniri apparet. & qui cognitioni student, parum spiritus capitalis immittunt, adeò rudes procreant filios. In ira autem videmus oculos turbari, & maiores fieri, neruos intendi, & faciem expandi; ut verum sit spiritus, qui neruis inest, & qui per opticos ad oculos confluit, vindictam parare. Hic autem Galeno rationalis est. Præterea nisi spiritus vnus in toto sit corpore, singulis trib. vacantib. rebus diuersis, & mutuo oppositis, continget ipsum non bene regi, sed quamprimum dissolui. Quod arguit Galen. appetitum rationi aduersari, quando cibos desiderat, quos ratio nocuos esse docet; ipse tamen nihil appetere omittit, quin vincit quandoque. Interdum verò irascibilis appetitoriam damnat, nam contra nos irascimur sæpe; nihil manifestat rationalem separari ab appetitoria, & iram ab appetitoria. Nec quod adducit ex Platone; irascibile velle vindictam, & ratione frenari; Interdum

7 de plac.
Hipp. & Plat.

K

verò

Verò ipsam iram vincere, & rationem cedere, probat earum diuersitatem. Si enim sic foret, etiam rationalis duas partiretur in animas: Cum enim dubitamus circa scientiam rei alicuius, sæpe in duas partimur sententias, & idè dubitamus, quia rationes sunt ad aliam partem, ut unus duo doctores appareat. Quod cum sit ratione certitudinis, sic dicendum est de alijs operibus. Cum enim anima vidit duo bona, & nescit quod melius sit, secum ipsa pugnat, & duplex fieri videtur. Sic vlcisci bonum est, ne quis nos contemnat, & alij idem faciant, itaque euadamus facili præda hominum. At sæpe etiam simul videmus periculum, ne culpemur, aut ipsi succumbamus, idè fluctuamus perpendentes rationes aduersas & fauentes. Sic ut idem cibus dulcis est, appetiturque, at si ratio videat malum etiam & bonum simul, dubitat & videtur duplex. Cum autem certa fuerit omninò, repente quod appetit aggreditur. Falsum quoque est, quod putat Galenus, nervos è capite, arterias à sorde, & venas ab Epate proficisci; etenim ipsæ sunt omnes albæ, ex sanguinesque, & ex eodem principio seminali cum nervis constitutæ, ut reuera omnes è capite eodem deducantur, sicuti canales organici eiusdem spiritus sentientis, & vniuersum corpus regentis varijs instrumentis. Quæ enim res albæ ex sanguis que ex rubra, sanguinea que quale cor, & epar est, egredi queant. Hæc ratio est contra Arist. à Galeno inuenta ad probandum, quod ex sanguine non fiant ossa, nervi & vena. Quæ idem Gal. hoc persuadere debuisse.

Manifestè etenim originem eandem habent scilicet caput. Verum latiores sunt in iecore, cordeque, ubi oportuit esse ad distributionem sanguinis. Nam & fontes, riuique sæpe in origine angustæ, in medijs lati fiunt finibus situum locorumque necessitate. Et Galeno non videtur

lib. de sem.

lib. de puls. & 3
de plac.
Hipp. & Plat.

detur rationalis esse opus pulsationem arteriarum, quia non possumus illa retinere ad voluntatem, veluti respirationem, quæ est rationalis. Sed (inquam) nec nos posse non-sentire, nec non-intelligere aut velle. Nihil enim sibi, suæque natura contrariari potest. Quare pulsus cum sit necessarius propter spirituum generationem, refectionemque, nihil præcepto retardari potest; non enim spiritus non mobilis esse potest naturâ mobilis. respiratio autem non sic necessaria est. Verum non possumus multo tempore cohibere; quia continuo necessaria est, non autem parvo tempore. Ipsa namque fit ad calorem nativum augendum, excitandumque sicut folles. Non magis incallescimus magnis, plenâque aëre respirationes faceremus, quod experimento repugnat. Potest autem paucio tempore impediri, semel excito calore. At pulsus ad refectionem est spiritus, qui itidem remittitur, ubi morbo capitali laboramus, ut patet in Apoplexia, lethargo, Caro, & similibus, quod non eveniret, si ab alio spiritu, quam ab eo, qui est in cerebro fieret. Item in peripneumonia, & alijs inflammationibus arteriarum motus fit debilior, ne maior fiat inflammatio, & dolor, qui in partibus arterijs intertextis fit, augeatur. Falsum est autem in nervos arteriasque spiritum non descendere, sed facultatem incorpoream ad quid enim forata esset spinalis medulla, & optici nervi? Item alij si quis humor in eos illabatur, deperdunt motum, sensumque, ut manifestè à subeunte spiritu eos donari videas. Unde rectius Plato foratos esse novit, quam Galenus, qui si non videat poros in omnibus, non rectè videt, cum in præfatis evidens, & spiritus tenuissimus sit, qui omnes subeat effugientes sensus poros.

Quod fingit Plato, & ex eo Arist. nervos, venas, arteriasque è corde pri- In Timæo.
de pri- fallax est. nihil enim illi similes sunt, & anatome contra-

1. de anim. t. 30.
eth. 1. & 2.
2. de anim. t. 7.
lib. de motu &c.
2. de gen. anim.
cap. 4.

rium ostendit. longe enim errat Arist. qui vnā esse animā contra Platonem probat, & postea nesciens eas rationes solvere, in duas diuidit animā, irrationalem; & in irrationalem contra sua decreta. Et longe imprudentior est cum animā totius corporis actum efficit in corpus, deinde in corde residere; & formā putat contra sua decreta. At animā sensitīuā, de qua sermo est inter philosophos non esse actum corporis inde patet.

Actus enim ita est actūatis rebus vnitus; vt nulla pars sine alterius parte esse queat; itaque non indigeat alterius vinculo, vt videtur Arist. at anima per totum corpus discurrit, ad oculos confluit, refugitque ad pudenda, ad manus, ad pedes, deinde sese retrahit, vt somnus, & deliquia, quietesq; docent. Non ergo more actus corpori inest. Præterea vnā formā illud habet, cui vnū est temperamentum, & partes sunt homogeneæ, vnius faciei, dispositionis; qualis est aqua, & caro. At corporis animati partes adeo diuersæ sunt viribus, faciebus, duricie ac mollitie, & alijs diuersitatib. vt nec imaginari queat ab eadem anima informari, sed regi ab ea sicut Nauis à nauta, qui quo vult tendit, auocat, reuocatque vires suas. Nam & ipsa definitio sibi repugnat. Si enim anima est actus corporis organici, ergo est in eo sicut in organo, instrumentoque, veluti Nauta naui organo actionis suæ, & non vt forma. nam & verba illa: Potentiā vitam habentis, ad stipulantur. Si enim forma esset anima, semper vbique corpus informaret, & operaretur; sicut calor ignis facit, at corpus non semper agitur vitalib. operibus. Sed potest anima pro posse & velle illud donare vitam, quæ est in potentiā, id est vitali opere, sicuti auriga currum viuificat, potestq; vita destituere illud vt in somno &c. ergo nullatenus anima erit forma.

Nihil

Nihil etiam Arist. animæ naturam cognouit. definit enim nō quid illa sit secundum eius essentiam, sed quid sit in ordine ad corp⁹, & qui inhaereat. Debuerat enim dicere quomodo anima ex elementis non animatis nascatur, unde ipse omnia facit, & quid reuera sit eius substantia. Ipse verò antiquos lacerand⁹, & seipsum occultando libros suos complet, ideo assēcla in varios feruntur errores. Quid enim non ignoretur, ignorata origine? Jisdem rationib⁹ patet potentiam videnti, audiendi, & tangendi, gustandi, odorandique non esse formas organorum, sed eundem spiritum omnia operare in omnib⁹ sensorijs. Vijs scilicet ad cognoscenda nocua, proficuaque. Propter hoc autem cum sit sensus; omnisq; vniuersi res bona malaque cognoscat; nam illa sequitur, hæc fugit, consequens est omnia sentire. Itaq; calidiora animalia sensu exquisitiori donata sunt; quia auctiori spiritu, tenuiori; qui proinde facile patiatur à quibusuis. Sensatio enim passio est. quæcunque enim sentimus, quia immutamur, sentimus. Hic caueto Arist. sententias, qui omnes sensus per species sensibiles ab obiectis sumtas, sentire putat. Non enim formæ, simulacraq; sed motus à sensibilibus veniunt. Itaque de singulorum obiectis loquamur, actibusque. Omnes sensationes tactus sunt. Nam immutatione fiunt. Manifestè enim nihil sentimus calorem, frigusue, nisi calefiamus, & frigeſciamus. nec dulcia amaraq; nisi dulcescamus, & amareſciamus; itidem nec colores, nisi eis coloremur. Quapropter sensus quilibet immutatio est spiritus ab obiecto suas vires effundente. Itaque quæcunque nobis similia sunt, à quibus nihil patimur, non sentiuntur. Calor enim similis nostro non sentitur, nisi excedat, quæ autem exsuperant suasq; nobis indunt affectiones, sentiuntur magis, ut calida, frigidaq; docent.

Manifestum quidem est tactum tangentis immutari, alias non sentire.

sentire. Itaq; nostræ portiones nos tangentes non sentiuntur, nisi frigidi-
diores sint, aut calidiores, aliaue facultate præditæ aliis dissimili. Ta-
ctus autem in corpore est vniuerso. magis autem exquisitus, vbi spiri-
tus ad externorum bonorum, malorumue vires discernendas opus ha-
bet magis. Itaq; manus perbellè sentiunt: magis autem pudendum, v-
bi vas generationis dignoscendum est; maxime autem lingua, nam
forata est aditum sensibus admittens. Oculi verò & aures longè sen-
sibilia percipiunt, antequam ledant tangentis facultatem, verum v-
bi spiritus copia non est, caroque dura, crassaque, & aditum non sinat,
minima fit sensatio, non enim opus rem exigit. Quapropter ossa, capil-
li, & extremæ neruorum portiones vix sentiunt. Humores autem sen-
tire non videntur, quia eorum passio spiritui discernenda non com-
municatur propter eorum dissolutionem, separationemq; ab alijs. fi-
bræ, nerui, & quæcunq; spiritu implentur, sensoria sunt, at illo absen-
te, non sic percipiunt. Itaque dormiente animali multa non sentimus,
nisi motio eorum sentienti animæ communicetur, quod magna docent
passiones. Somnus enim fit vbi spiritus in cerebro vnitur, vt seipsum
reficiat; quia ex frequenti sensatione in tenuitatem resoluitur; quare
quiete opus habet.

Sæpe autem fit, vt spiritus digerat vapores in caput ascendentes, vt
post cibi sumptionem euenit. At non cerebro refrigerato, vt Galenus
putat, quando mehercle post calidos cibos dormimus; interdum post
labores caput corpusq; calefacientes. At neque vt Aristoteles; etenim
ait vapores ex cerebro in cor effluere, ipsumque refrigerare, & stupi-
dum reddere. Nam dormientes motum cordis habent vehementem,
nec qua humores in illud currant, est via. Quia in capite somnum esse
experimur, & insomnia. Nec expergisci possemus repente, vt fit ma-
gnis

gnis sonis, si fiat in corde sopor, nisi prius vapores bene incalescant, solvanturque:

Redeunt ergo in cerebro sensum principem esse dicimus, non in temperie illius, ut Galeno videtur, namque nihil mutato tempore; solo spiritu laborante, aut vaporibus infecto, sensus, ratioque prava fit, interdumque mors. Obiectum igitur eorum tactus omnis qualitas est materialis calorem, frigusque sequentes, quæ dum spiritum mutant, sentiuntur. Obiectum oculorum lux est, non color, ut Aristoteles credit. Nam color per lucem visibilis redditur. lux verò se ipsa videtur, quod de obiecti ratione est. Cum ergo in crystallinum humorem, qui in medio oculi est, lux incidit, spiritum agitat, immutatque, qui per opticos nervos ad oculos. Ut hauriat sensibilia, occurrit, ipseque immutatus, vires lucis iuxta illius immutationis robustitatem, & debilitatem metitur; Quam enim inspicere non potest, potentiam maximam habere ratiocinatur spiritus. Cateri verò colores deò videntur, quod lux directè in oculos à coloratis resiliens rebus intingitur earum facie, eamque secum desert. Itaque quæ super oculum ponuntur, non videntur, quia lux directæ ex eis non reflectitur in oculum; nec quæ oculis opposita non sunt, propter eandem causam. Idemque evenit hic, ac in speculis, ubi faciem non vides, nisi sit illuminata; à facie enim in speculum tincta facie tuâ insilit. At si lux speculum illuminet, vultum verò nequaquam, nunquam illum videbis, sicut nec in tenebris morantes res nos in luce existente videmus, sed contra. ut manifestum sit lucem infici coloribus qui buslibet ob suam simplicitatem, & illos ad oculi speculum deferre.

Fallitur Arist. putans rerum species ad oculos venire: non enim res

ipsa

ipsæ stupida species emittunt, non reales quidem, quia extra se non agunt; nec ut dicunt intentionales, quia imaginatiua carent & actiua virtute. Nec Peripatetici quid per has species intelligant, cognouere. Quid autem lux, colorq; sit, superius dictum est.

Quicquid auditur, est sonus. Sonus verò est motus, non omnis, sed qui robustior nostri spiritus motione continua est. aer enim qui mouetur, nihil sonat; quia motione spiritui nostro simili mouetur. Et qui Nilum incolunt, præter Nili sonum, nihil sentiunt ferè, quia aures eorum occupatæ sono sunt; veluti & Molendinarij. Quæcunq; ergo mouentur magis, aerem mouent, qui verberat auris tympanum, in quo spiritus residet, & mouetur, eorum sonorum vi vim obiectorum mensurat. Soni maximi displicent, graues & acuti; temperati placet; quia spiritum ad sui motionem inuitant iuuantq;. Echo similiter sonus redditus à concavis rebus est oppositus, sicut circulationes aquæ in vase morantis motæ, quæ labra attingentes rursus ad centrum redeunt. Sunt soni omnes reales motiones eisdem rationibus.

Odor verò rei tenuis est substantia, quæ spiritum in spongia narium attingens immutat. est realis. Valeant Peripatetici qui intentionalem ponunt; non enim nutrirèt, ut Democrito euenit per tres dies, teste Laertio, & ægris multis per Hippocr. consilium. Argumentum inane est eorum, quod olfacientes exsiccaremus poma & cedros. Quis enim id negat, quod oculis videtur? Quod Auerr. ait, ex quingentis milliaribus vultures ad bellum Troianum venisse tractos odore, nihil probat esse intentionalem.

Vultures enim odoratu exquisito, qualis competit carniuoris, præditi sunt, & quolibet vento impellente vapores persentire potuere cadauerum odorem. At spongiosa linguæ spiritus inest multus, qui
cibi

cibi facultates noscat, antequam noceant; hæ autem sapes sunt.

Sapor verò actio est innati caloris sapidorum lingua calore percipi, & materialiter agentis. Itaque minus calida, minus odoris, saporisque obtinent. Quæcunque præfatis in sensorijs fiunt sensationes, ad cerebri spiritum deferuntur, qui omnia iudicat, ab his quidem immutationibus immutatus vires bonas malas se sibi discernens.

Itaque Aristoteles sensum communem præter particularem dedit. Nos autem sensum unum, at sensationes, organaque sentiendi plura. Quapropter discurrens, sentiensq; una nobis Galenoq; videtur anima. Itidem & intelligens. eadem enim quæ sensus sentit, intelligit intellectus, & ratio ratiocinatur, diuersis tamen modis, qui essentiã non variant. Quando enim immutatur plurib. similib. reb. ipse spiritus, vnum motum ex eis capit; quia vno modo simili similia mouent: itaque apprehendere multa vt vnum, eiusdem est, qui sentit multa. Differentia est absentis præsentisque obiecti eiusdem. Itaque illud vnum vniuersale dictum non modo intellectus, sed & sensus percipit languens. Nam longè insipientes hominem dicimus. est animal. Cum verò eius particulares differentias intuiti fuerimus, dicimus, homo est. Vt vniuersale particulareque eiusdem sensus etiam videas magis, minusque moti. Itidem plura oua pluribus vicibus ostensa, apparent vnum, & qui experiri non consueuerit oua, dignoscere vnum ab alio nescit propter similitudinem. Itaque vniuersale ipsum languentis est cognitionis, & eiusdem sensus, at non intuitus insipientis. Falsum est ergò quod dicit Aristoteles sensum esse particulare, intellectum vniuersalem. Nam & ipse quandoque vtrorumq; facit sensum; Nam cognouit, ait, hominem & Calliam. Aiunt intellectus intelligit res incorporeas vt amicitiam, & vniuersale: sensus verò

corporea & particularia. Falluntur, nam vulpes & pecus amicitiam & inimicitiam lupi persentiunt, & sensus omnes vniuersales sunt, vt patuit.

In his autem intellectus non est, vt ipsi aiunt. ergo sensus quicquid intellectus est. Animalia Verò omnia memoriam habentia, prudentiam quoq; habere, Arist. decreuit, quæ actus rationis maxime est. Dicunt esse prudentiam sensitivam. itidem ego inquam, quocunque voces nomine, ratio est, intellectioque; Intelligere enim intus est legere, quæ sensus foris externus colligit. At non propterea anima sit immortalis, incorporeaque, vt Aristoteles putat, quod omnia intelligit sine corpore. Itaque est separabilis. etenim & speculum sine corpore imaginem præsentat, & omnes sic res sensus; & interdum confusas, & vniuersales; interdum Verò distinctas, & particulares. Verum est enim denudari ipsum recepti naturâ, attamen omnes recipit corporeus spiritus res, quibus est nudatus, se autem minime; non enim à se patitur; sibi enim est similis. Itaque se noscere difficillimum est. At per aliorum spirituum mutationes & actus, quasi per proprios se metitur, vt speculum se ipsum ab alio speculo relatum refert. Male ergo confidunt Arist. rationibus animam facientes immortalem. Nec enim sine organo corporeo est intellectio, & abstractio, sed rationes nostræ probantes animæ eternitatem longè potiores sunt, & insolubiles. Ex eo enim quod effectus supra causam non attollitur suam; nullus enim ignis plus quam fons ignis ardet. At anima intelligit Solem terramque & vniuersum; quia supra cælum in infinitum ducitur excogitando. Ergo non à Sole, terraque pendet, quæ exsuperat: at ab alia diuiniore causa, quæ infinita est. Hæc autem est Deus Optimus Maximus.

Item non querunt animalia, quæ sibi nihil prosunt, conueniuntq;

nec

nec quidem homines. At nos quærimus cognoscere Deum, adeò, quod nihil magis appetamus, & non immerito nostri principium videatur esse, finisque optatus; quia Religio naturalis est huiusmodi. Nulla enim Gens Deum non coluit. Itaque Deum esse necesse est opificem animæ nostræ: ergò & ipsa immortalis sit. At nequaquam eius sit sentire, intelligere, & discurrere: Sed hæc omnia opera perficere, & à terrenis ad cælestia eleuare.

Triplici uiuimus substantia; Corpore scilicet, Spiritu & Mente. Corpus est organum; Spiritus Vehiculum Mentis; Mens uero apex animæ in horizonte habitans, quæ spiritum & corpus item informat; quia incorporea cum sit, diuersa temperamenta potest informare solidi, molli, tenuisque; non sic autem spiritus corporeus. Idem sentit Augustin. Ultimo supra Genes ad literam, & supra illud Apost. Si spiritus orat, caro orat mens autem uacat. Cum ergo notum sit spiritum sentire, intelligereque, uanum putamus aliam propter hoc substantiam esse intellectum. Sed ipsum quo nomine Mens uocatur, immisum esse à Deo, ut corporis spiritusque opera perficiat, & felicitatis capacia reddat. Quare & pugna inter ipsas est, cui succumbens mens damnatur, vincens præmijs afficitur, ut S. Paulus dicit, sensusque offendit.

Quod Arist. ait, distingui intellectum in agentem, & possibilem, falsum est & uanum. eadem enim ratione daretur sensus agens. nec modus fingi potest, quo species abstrahat è phantasmatibus, cum factus fuerit in actu intellectus possibilis, utiq; semper intelliget. Si enim præsentem habet species, & actu fit. sicut res calefacta semper calefacit dum calorem habet, sic intellectus speciebus actuatus. Quapropter bene arguit Theophrastus, si est actu, cur non semper intelligit, & unde ob-

luno, non fingi potest aliquid. Putat Aphradisus passivum esse preparationem resultantem ex temperamento ad intelligendum; intellectum vero agentem unum esse in singulis hominibus. Sed non cognovit hoc Aristotelis decretis, negantis in primo de anima, & in secundo contra Empedoclem, & Democr. spiritum corporalem esse animam intelligentem; etenim qua preparatione agens intellectus opus habet imaginari non licet, qui omnia agere potens est, & à corpore non pendet. Item intellectionem fingit Aristoteles in intellectu possibili, cum reducitur in actum, qui si potest moveri à speciebus corporis, sicut & sensus ipsi corporei, qualis est illa preparatio, mouentur, necesse est intellectum agentem otiosum esse. Qui enim illo indigeat intellectus corporeus sensibus similis? In idem cadit Auerr. & Avicen. qui putant intellectum possibilem esse aeternum, & unitum cum agente, ut ex eis fiat materia, formaque aeterna, quæ proinde indigeat corpore ad intelligendum, quapropter semper est alicui inherens homini. Attamen sunt diuersi, quia Auerr. vult species permanere in intellectu possibili. Avic. vero per argumenta Theophrasti putat esse omnia in memoria; ex qua in omni intellectione intellectus recipiat. Quod quidem repugnat his, quæ de anima dicuntur, licet conueniat aliis, quæ in libr. de memoria Arist. inconstans scripsit.

Nos autem obijcimus, quod homo intelligit, non quia res ab eo aliena, quæ actus eius non est, intelligat, sed ipsemet homo intelligit. Nam & exemplum Auerrois illi repugnat. lapis enim qui est, cogitativa si abstrahatur per intellectum agentem, & ponatur in possibili abstracto à nobis, non intelligetur à nobis; sicut enim nec quia facies nostra videtur ab alio separato, à nobis videtur. Et quidem si sic sit, necesse est quod unus homo intelligit, omnes simul intelligent, quod est absurdum

absurdum & falsum Sed de his alibi. Melius verò, licet non ad mentem Arist. dicunt, qui ambos intellectus eiusdem animæ facultates faciunt. At si immortalis est Arist. sequitur infinitas animas esse contra sua dogmata, quæ in æterno sibi mundo infinitos fuisse homines docent. Verum ut verum fateamur, Arist. accepit illam opinionem ex Anaxagorâ, qui mentem vniuersi effectricem & formam posuit, & nesciuit suis positionib. accommodare, quod ex 7. de anim. tex. 3. patet, & ex Phædone Platonis. Ipse enim qui omnia facit ex elementis, & animas cœli actus eorum posuit, & separatos detestatus est actus, nequaquam ponere hæc omnia externa poterat. nam nec quomodo sit in corpore, & iungatur, & suscipiat species fingere potest; unde omnes Peripatetici errantes in varias trudentur ineptias, vix Poëtis concedendas, de quib. alibi. Fallitur & Arist. cum putat intellectum non pati ab intelligentibus, sensum verò sic. Nam reminiscens nausæ in mari passæ, patimur etiam, sic doloris, dolemus. Quare dicendum est Intellectionem esse sensationem obiecti absentis, itaque minus mouemur. Nec recte maius intelligibile maiori sensibili comparat; res enim abstractæ non sunt magis intelligibiles, sed minus, quia minus mouent intelligentem animam. Cum ergo ostenderimus, eandem animam mouere corpus, sentire, ac intelligere, nam subito ad sensationem intellectio sequitur, motioq; liquidò patet vniuersum animal ab unica animæ substantia gubernari. homini verò mentem diuinam immitti, quandoquidem in eo apparent operationes, quæ non in cæteris. Prudentia enim & ratio, & sensus est in omnibus, at animalis tantum, ut concedimus Plutarcho, & Porphyrio, non autem mentalis diuinæ quæ a superioribus ea tollat.

Fontes omnium passionum sunt duo oppositi sensus, Voluptas & dolor.

dolor. hic est sensus mali, illa boni, ad hæc sequuntur ceteri affectus. Cum enim ad bonum procedit spiritus, spes fit in eo; cum coniungitur, voluptas; cum non imminet bonum, desiderium. communiter autem amat. Malum vero si præsens est, facit dolorem; si absens communiter odium; si imminet, timorem; si in illum spiritus irruit ita ut ex conseruatione quæ in apprehensione boni, & fuga mali consistit, omnes sensus erueri queas & riuos sentiendorum. Hinc & Virtutes sumunt ortum, sicut in Ethicis dicemus; quæ prout magis conseruant, magis virtutes sunt; ut verò magis destruunt, magis vitia dicuntur. Est enim virtus puritas animæ ad quam facultas sese seruandi sequitur. Vitium verò impuritas, in qua destruendi vis manet; sicut purum aurum, virtute præditum, impurum vitio dicitur, in quo longè errat Arist. de quare &c al. bi. Satis sit pro compendio ad Felicitatem,



